

四庫全書

子部

欽定四庫全書

子部  
職官分紀卷六

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣戴均元

勝錄監生臣扶龍訓

欽定四庫全書

職官分紀卷六

宋 孫逢吉 撰

門下省

隋百官志門下省置侍中給事黃門侍郎各四人掌侍  
從左右擯相威儀盡規獻納糾正違闕監合嘗御藥封  
璽書侍系隋志以前歷代  
沿革原本並缺郎中高功者在職一年詔加  
侍中祭酒與侍郎高功者一人對掌禁令公車太官太

醫等令驛驢厰後丞齊門下省掌獻納諫正及司進御之職侍中給事黃門侍郎各六人錄事四人通事令史主事令使各八人統局六領左右局領左右各二人左右直長四人尚食局典御二人丞監各四人尚藥局典御及丞各二人侍郎師尚藥監各四人主衣局都統子統各二人齋師四人殿中局殿中監四人隋門下省納言二人給事黃門侍郎四人錄事通事令史各六人又有散騎常侍通直散騎常侍各四人諫議大夫七人散

騎侍郎四人員外散騎常侍六人通直散騎侍郎四人  
並掌部從朝直又有給事二十人員外散騎侍郎二十  
人奉朝四十人並掌同散騎常侍等兼出使勞問統城  
門尚食尚藥符璽御府殿內等六局城門局校二人直  
長四人食醫四人尚藥局典御二人侍醫直長各四人  
醫師四十人符璽御府殿內局監各二人直長四人場  
帝分門下太僕二司取殿內監名以為殿內省并尚書  
門下內史秘書以為五省門下省減給事黃門侍郎員

置二人去給事之名移吏部給事郎名為門下之職位  
次黃門下置員四人從五品省讀奏案廢散騎常侍諫  
議大夫散騎侍郎等常員改符璽監為郎置二員為從  
六品加錄事階為正八品以城門殿內尚食尚藥御府  
等五局隸殿內省十二年又改納言為內侍

唐百官志門下省侍中二人正二品

龍朔二年改門下省曰東臺垂拱元

年改門下省曰鸞臺開元元年曰黃門省

門下侍郎二人正三品下左散騎

常侍二人正三品左諫議大夫四人正四品下給事中

四人正五品上左補闕六人從七品上左拾遺六人從八品上符寶郎四人從六品上典儀二人從九品下城門郎四人從六品上符寶郎四人從六品上門下省有錄事四人從七品上主事四人從八品下

有令史二十二人書令吏

四十三人甲庫令十三人能書一人博書二人亭長六人掌固十四人修補制勅匠五人裝演一人起居郎三人贊者六人

職官志初秦漢置侍中曹無臺省之名自晉始置門下省南北朝皆因之舊制宰相常於門下省議事謂之政

事堂永淳二年七月中書令裴炎以中書執政事筆遂移政事堂於中書門下其印改為中書門下之印

六典初秦漢置侍中曹無臺省之名自晉始有門下省歷宋齊梁陳後魏北齊隋國初皆曰門下省龍朔二年改東臺咸亨元年復舊光宅元年改為鸞臺神龍元年復舊開元元年改黃門監五年復曰門下省

國朝門下省掌讀省審覆奏駁正行御史所糾諸司不法考察吏部擬差職事官奏斷獄案受發通進表狀進



寶印差行事官給遞馬券賜旌節及命婦冠帔僧道紫  
衣師號應有法式所上之事

侍中

納言

前漢百官表侍中秦官也侍中加列侯將軍卿大夫將  
都尉尚書太醫太官令至郎中無員多至數十人侍中  
得入禁中

後漢百官志侍中比二千石

漢官秩云千石周禮太僕千寶注曰若漢侍中

注曰無員常侍左右贊導眾事顧問應對法駕出則多

識者一人參乘餘皆騎在乘輿車後本有僕射一人中

興轉為祭酒或置或不

蔡質漢儀曰侍中常伯選舊儒高德博學淵懿仰規俯視切問

近對喻旨公卿上殿稱制參乘佩璽秉劍員本八人陪見舊在尚書令僕射下尚書正令官出入禁中武帝時侍中莽何羅挾刃謀逆由是侍中出禁外有事乃入畢即出王莽秉政侍中復入與中官共上章帝元和中侍中郭舉與後宮通拔佩刀驚上舉伏誅由是侍中復出外

後漢輿服志武冠一曰武弁大冠諸武官冠之侍中加

黃金璫附蟬為文貂尾為飾謂之趙惠文冠

漢舊儀侍中無員或列侯將軍衛尉光祿大夫為之得

舉非法又曰侍中左右近臣見皇后如見帝見婕妤行則對壁坐則伏茵

環濟要畧侍中古官也或曰風后為黃帝侍中周時為常伯常者言其道德可常遵也秦始皇復故冠貂蟬漢因而不改侍帷幄受顧問拾遺於左右出則負璽以從秩二千石

應劭漢官儀侍中周官也金貂蟬左金取堅剛百鍊不撓蟬取居高食潔口在腋下貂內勁悍而外溫潤侍中便

左右與帝升降論思近對拾遺補闕百僚之中莫密於  
茲又曰侍中秩千石黃門有盡宣署玉堂署各有長一  
人

晉職官志侍中按黃帝時風后為侍中於周為常伯之  
任秦取古名置侍中漢因之秦漢俱無定員以功高者  
一人為僕射魏晉以來置四人別加官者則非數掌導  
贊威儀大駕出則次直侍中護駕正直侍中負璽陪乘  
不帶劍餘皆騎從御坐殿與散騎常侍對扶侍中居左

常侍居右備切問近對拾遺補闕及江左哀帝興寧四年桓溫奏省二人後復舊

宋百官志侍中四人掌奏事直侍左右應對獻替法駕出則正直一人負璽陪乘殿內門下衆事皆掌之周公戒成王立政之篇所云常伯即其任也侍中本秦丞相史也使五人往來殿內東廂奏事故謂之侍中漢西京無員多至數十人入侍禁中分掌乘輿服物下褻器虎子之屬武帝世孔安國為侍中以其儒者特聽掌御唾

壺朝廷榮之久次者為僕射漢東京又屬少府猶無員  
掌侍左右贊導祠事顧問應荅法駕出則多識一人負  
傳國璽操斬白蛇劍參乘餘皆騎在乘輿車後光武世  
改僕射為祭酒漢世與中官俱止禁中武帝時出禁外  
有事乃入事畢則出王莽秉政復入與中官俱止魏晉  
以來置四人別加官不在數秩比二千石

南齊百官志侍中漢世為親近之職魏選用稍增華重  
而大意不異齊世朝會多以美姿容者兼官永元三年

東昏南郊不欲親朝士以主璽陪前代未嘗有也侍中呼為門下亦置令史

陳侍中舍有八區論者或言員本八人

後魏書侍中魏末置成軌王溫平李封津並為中侍中  
隋百官志侍中四人掌侍從左右擯相威儀盡規獻納  
糾正違闕後齊侍中六人後周初有御伯中大夫二人  
掌出入侍從屬天官府保定四年改為納言二人煬帝改  
為侍內

唐百官志侍中二人正二品掌出納帝命相禮儀凡國

家之務與中書令參摠而顓判省事下之通上其制有

六一曰奏鈔

謂祭祀之度國用投六品下官  
斷流以下罪及除免官當者

二曰奏彈

謂御史糾劾百  
司不法之事

三曰露布

謂諸軍破賊申尚  
書兵部而開奏馬

四曰議

謂

廷之疑事下公卿議  
理異同奏而裁之

五曰表六曰狀

蔡邕獨斷凡羣臣  
上書通於天子者

四品一曰章二曰奏三曰表四曰駁議章者稱稽首上

以聞謝恩陳事請闕通者也奏者上言稽首言下言稽

首以聞其中有所請若罪法劾衆公府通送御史臺卿

校送謁者臺通者也表者上言臣某言下言臣某誠惶

誠恐頓首頓首死罪死罪左右下附曰某官某甲上以詣

尚書通者也公卿校尉諸將不言姓大夫以下皆言姓



報章曰聞報奏曰可其表由尚書報所由云已奏如書  
凡章表以啟封其官密事得皂囊其有疑事公卿百官  
會議而執異議者曰校議曰某官主議以為如是下言  
愚懇異議其合於上意者文報曰某官某甲可漢承秦  
法羣臣上書皆言昧死言王莽慕古改昧死曰稽首光  
武因而不改章表制度自漢以後多相因循隋令有奏  
鈔奏彈露布等皇朝因之其駁議表狀等以上乃審其  
至今常行其奏鈔露布侍中審自餘不審  
餘覆奏畫制可而授尚書省行幸則負寶以從版奏中  
嚴外辦還宮則請降輅解嚴皇帝齋則請就齋室升殿  
則奉玉幣盥則奉匱取盤酌壘水贊洗酌泛齊受虛爵  
進福酒皆左右其儀饗宗廟進瓚而贊酌爵酒既裸贊

酌醴齊藉田則奉耒四夷朝見則承詔勞問臨軒命使  
冊皇太后皇太子則奉詔降宣命慰問聘召則涖封題  
發驛遣使則給魚符凡官爵廢置刑政損益授之史官  
既書覆涖其記涖職事官六品以下進擬則審其稱否

而進退之

武德元年改侍內曰納言三年曰侍中龍朔二年曰左相武后光宅元年曰納言開元元

年改侍中曰監天寶元年曰左相至德二年曰侍中

唐官品志侍中高功者在職一年詔加侍中祭酒與侍  
郎高功者一人掌禁令

六典侍中二人正三品

晉令侍中品第三武冠絳朝服佩水蒼玉東晉桓溫奏省二人

後復舊梁氏秩二千石品第三後班第十二陳氏依梁魏侍中六人加官無數初從一品太和中革令正第三品北齊因之隋氏諱忠改納言置二人

正第三品唐大曆二年陞為正二品

五代史百官志北齊侍中因後魏置六人掌獻納諫正及進御之職參預諸公論國政

國朝元祐令侍中正一品

出則參乘入侍左右

前漢金日磾為侍中光祿大夫既親近未嘗有過失帝甚信重之賞

賜累千金出則騁乘入侍左右貴戚多竊怨曰冠鷄鷄

陛下妾得一胡而反貴重之帝聞之愈厚焉

傅脂粉

惠帝時侍中皆冠鵓具帶傅脂粉

年十二

桑弘羊雒陽賈人子以心計年十二為侍

中年十五

張良子辟疆年十五為侍中

年十八

霍去病以皇后姊子年十八為侍中善騎射

封侯參乘

張彭祖宣帝時為侍中少與帝同親視席以舊恩封侯出則參乘

九男為侍

中

史丹元帝世為侍中帝出陪乘甚有寵九男皆以丹任為侍中

學先王之道知君臣

之義

谷永對云昔龍箎納言而帝命惟允四輔既備成王靡有過事勅正左右齊衆之臣戴金貂之飾執

常伯之職者皆使學先王之道知君臣之義濟濟謹乎无教戲驕恣之道則左右肅又羣僚仰法也師古曰常

伯侍中也伯長也常使長事者也一日帝任使之入此為長也

子孫為侍中

張安世自宣元以來

子孫為侍中

帝以為忠

上官桀為中庶令上嘗疾及愈見馬多瘦怒曰汝以我不復見馬耶桀頓

首曰臣聞聖體不安日夜憂懼意不在馬言宜寵異之

未卒泣數行下帝以為忠親近之以為侍中

班伯為侍中後上朝東宮太后泣曰聞帝顏色疲黑班

侍中本大將軍所舉宜寵異之益求其比以輔聖德宜

遣富平侯且就國許商為少府師丹為光祿勳伯遷水

衡都尉與兩師並侍中皆秩中二千石每朝東宮常從

有及大政俱使諭指於公卿上亦稍

厭遊賞而復經書之業太后甚悅

內輔參聽斷

後漢和帝

紀皇太后詔守文之際必有內輔以參聽斷侍中憲朕

之元兄行能兼備忠孝尤篤先帝所器親受遺詔當以

舊典輔敬受侍中言以為後戒

謝承後漢書劉陵為侍中車駕祠南郊陵參乘

上起早升輿服恭跪接覺曰陛下萬乘之主宜正諫止

立上有悅色曰敬受侍中言以為後戒更自整頓

開鴻池

趙典再遷為侍中時帝欲廣開鴻池典諫曰鴻池汎濫已且百頃猶復增而深之非所以崇唐

虞之約已遵孝文之愛  
人也帝納其言而止  
強項真楊震子孫  
帝時為侍中

帝從容問奇曰朕何如桓帝對曰陛下之於桓帝  
猶虞帝之於唐堯帝不悅曰卿強項真楊震子孫  
博選

耆儒宿德  
朱穆因進見復陳奏臣聞漢家舊學置侍中  
常侍各一人省尚書事黃門侍郎一人傳發

書奏皆用姓族自和熹太后以女子稱制不按公卿乃  
以閹人為常侍小黃門通命兩宮自此以來權傾人主

窮困天下宜皆罷遣博選耆儒宿德與參政事帝  
怒不應穆伏不肯起左右傳出良久乃趨而去  
面稱

朕違  
爰延為侍中帝遊上林苑從容問延曰朕何如主  
也對曰陛下如漢中主帝曰何以言之曰尚書令陳

蕃任事則治中常侍黃門豫政則亂是以知陛下可與  
為善亦可與為非此中主之謂也帝曰昔朱雲廷爭折

檻今侍中面稱  
朕違敬聞命矣  
著楚辭  
王逸字叔師順帝時為侍中著  
楚辭章句行於代其賦誄書論

及雜文凡二十一篇又諸皆少年李固字子堅諫帝云

作漢書三百二十三篇臣一日在朝會見諸

侍中皆年少無一宿儒可伏青蒲上史丹為侍中元帝

顧問者乃進揚厚黃瓊寢疾丹以親密近

臣得親疾候上聞獨時丹直入卧内頓首伏青蒲上親密近臣上進見問得失承

後漢書公孫暉拜博士侍中國有疑事常使進見據經

問其得失所陳皆據經依義補益國家深見省納據經

依義補益國家上疑事密問劉淑為侍中朝夕見議竭

著為篇章朝廷有八俊周舉字宣光順帝時詔遣八使

疑事密詰問焉巡行風俗皆選有威名者乃奏

舉為侍中與杜喬周相馮羨樂巴張綱郭遵太尉解經不

尉長史劉班分行天下使同日而拜號曰八俊窮

東觀漢記戴馮為侍中正旦朝會百寮單會帝令羣窮

臣能說經者更相問難義有不通輒奪其席以益通窮

者馮遂重生五十餘席故京師為之語曰解經不窮戴侍中

重坐五十餘席上舍雞

舌香

侍中廼存年者口臭上出雞舌使含之雞舌香頗小辛螫不敢咀咽自嫌有過賜毒藥歸舍辭訣欲

就便宜家人哀泣不知賴僚友請問其慙失求跡其藥及口香共笑之更為舍食其意遂解存鄙儒蔽於此耳

其餘闕茸不可稱

三代侍中

馮鮪字孝孫父子兄弟並帶青紫三代侍中

綠車載送

衛尉府

衛尉金敞疾甚成帝拜子涉為侍中送衛尉府載以皇孫車寵之

引在帷幄

張

為侍中帝引在帷幄諷議左右常侍問衛天下所疾苦者

問舊事輒對

李直字元春為侍中章帝

西謁園陵直陪乘問舊事輒對由是見重

彤管貂璫

魏應璫詩彤管弭納言貂璫衣武弁出入承明

盧車服一何煥

對求徑寸珠

蘇則字文師帝問曰前破酒泉張掖西域通使燉煌獻徑寸之珠可



復求市益得則對曰若陛下化洽小國德流沙  
漢即不求自至求而得之不足為貴也帝嘿然  
膝非佞

人枕

則拜侍中與董昭同察昭嘗枕則膝  
取則推之曰蘇則之膝非佞人枕也

在職三年多

所駁易

盧毓為侍中是時散騎常侍劉劭受詔定律未  
就毓上論古今律制之意高堂隆數以宮室事

切諫帝不悅毓以君明臣直占之聖王恐不聞其過故  
有敢諫之鼓近臣盡規此乃臣等所不及隆諸生名為

狂直陛下宜容之毓  
在職三年多所駁易  
在朝客不交接  
劉暄字子陽為侍  
中在朝畧不交接

時人或問其故暄荅曰魏室即祚尚新智者知命俗或  
未咸僕在漢為支葉於魏備腹心寡偶少徒於宜未失

也引裾

辛毗遷侍中時帝以從冀州戶十萬實於河南  
毗曰陛下不以臣不肖置之左右安得不與臣

議帝不荅起入內毗隨  
而引其裾帝奮衣不還  
領丞相東西曹掾  
陳羣為侍中  
領丞相東西

曹戴蟬珥貂王聚為侍中貂朱衣皓帶文帝贈詩曰戴蟬珥貂入侍帷幄出擁華蓋入侍帷

幄出擁華蓋上執虎子魏謂之執虎子始蘇則為侍中

有與則同隱居者是時任南歷縣令適京師見則謂之曰我誠不能效汝蹇蹇驅鹿

車強識博聞魏國既建杜襲為侍中與王聚和洽並用太祖遊觀多得驂乘至見敬

不及洽襲嘗獨見至夜半襲性踈競起坐曰不知公對杜襲道何等也洽笑曰天下事豈有盡耶卿晝視可矣

於此欲弱冠蜀志關興字安少有令聞丞相招納蠻戎

馬良字季長先主稱尊號以良為侍中及東征吳遣服良入武陵招納五黠蠻戎渠帥皆受號印咸如意焉

不精細食不重膳共志大帝時是儀為侍中服不精細食不重膳貧困家無儲蓄聞之幸儀

舍求視疏飯親嘗之對之歎息即增  
俸賜益田宅儀累辭讓以恩為戚  
掌御唾壺孔氏連

與子琳書曰侍中安國時見崇禮不供褻事獨  
得掌御唾壺朝廷之士莫不榮之此汝親見  
在朝稱

為儒宗益部者舊傳董秩少從師學大將軍何進表薦

禮諸謀奇策靈帝微拜侍中  
在朝稱為儒宗甚見器待  
七車張寬漢武帝時為侍

橋有女子浴於渭水乳長七尺怪其異遣問之荅曰帝  
之後第七車知我所以來寬在第七車對曰天星主祭

祀者齋戒不嚴  
則女人現耳  
七世三輔故事金日磾忠勤  
從容諷議

拾遺左右文士傳張衡為侍中嘗居  
惟幄從容諷議拾遺左右  
興一代之志魏志

帝陳王以公子之尊博好文采同聲相應才士並出惟  
王粲等六人最見名而粲時處常伯之官興一代之志

其不可識舊玉佩

擊虞決疑要注曰漢末喪亂絕無佩玉魏侍中識漢舊始復作之今之玉

佩受法於祭也

以能書留補

韋誕以能書留補侍中魏氏寶器銘題皆誕書也

官失其

任得者亦不足貴

安平王孚為魏太子中庶子魏文帝即位選侍中常侍等官太子左右舊

人頗諷諭主者便欲就用不調餘人孚曰雖有堯舜必有稷契今嗣王新立當進用海內英賢猶患不得如何

欲因際會自相薦舉官失其任得者亦不足貴

有經國之幹

晉任愷字元褒為侍中有經國之幹

萬幾大小愷多管之愷性忠正以社稷為己任

貂蟬盈坐

趙王倫僭即帝位同謀者皆起階越次不

可勝紀至於叔卒廡役亦皆命以爵位每朝會貂蟬盈坐時人為之語曰貂不足狗尾續

葬妻

魏舒代山濤為侍中舒三娶妻皆亡於是自表假還本鄉葬妻上賜地一頃錢五十萬

恂恂

濟濟

王濟自武帝子為侍中與侍中孔恂揚濟同列一時

諸公曰朕左右可謂恂恂濟濟矣

血濺御服

嵇紹為侍中天子承詔馳詣行在所值王師敗績於

蕩陰百官及侍衛莫不潰散唯紹儼然端冕以身扞衛

左右欲浣衣帝曰此嵇侍中血

問貂璫不知所出

桓帝末侍中蟬參奏問貂璫何法不知所

出又問地震云不為史還宮左遷議郎

改詔

王坦之為侍中簡文帝疾詔大司馬溫周公居攝政事坦

之自持詔入於帝前毀之帝曰天下儻來之運卿何所嫌坦之曰天下宣元之天下陛下何得專之帝乃使坦

之改詔馬領衛優重

沈演之為侍中衛將軍文帝謂之曰侍中領衛俱為優重此蓋宰相便坐卿其

也

宰相便坐

上所辟皆寒素有行之士

陸玩遷侍中玩雖登公輔

諫不辟掾屬成帝聞而勸之玩不得已而從命所辟皆  
寒素有行之士玩翼亮累世常以弘厚為人主所貴加  
性通雅不以名位格物誘納後進若位未及扶醉未及

亂語林晉孝武與虞嘯父飲酒不醉不出復臨出拜殆  
不能復起帝因呼人上殿扶虞侍中嘯父荅曰臣位

未及扶非分之賜所不當對旄頭之義擊虞決疑要注  
當時美之勅左右疏其語

權為侍中帝問侍臣旄頭之義何謂耶權對曰秦紀秦  
國奇怪觸山截水無不崩潰唯畏旄頭故使武士冠之

以衛至宜侍帷幄盡規左右七賢傳山濤為侍中詔曰  
薄也

侍帷幄盡規左右廊廟之望喉舌機要顏含別傳含字君道儀  
狀嚴整風貌端美大司

馬桓公歎曰顏侍中廊廟之望喉舌機要也  
老公授藥續搜神傳程咸字延

休其母懷妊咸老公

投藥與之服此當生貴子晉武  
帝時歷位至侍中有名於世  
貂拂帝手 宋文帝元嘉中王嘉王曇

首殷景仁等並為侍中情任親密與帝接膝  
共語貂拂帝手拔貂置案上語單復手挿之  
朕反陪卿

考武時侍中何偃南郊陪乘鑿輅過白  
門間偃將副帝乃接之曰朕反陪卿  
方之金張三族

陸慧曉晉太尉玩之玄孫也自玩至慧曉祖萬歲世為

侍中皆有名行慧曉伯父仲元為侍中時人方之金張

三諫射雉 蔡興宗拜侍中每正言得失無所顧憚宋孝  
武新年拜陵寢興宗負璽陪乘及上欲因以

射雉興宗正色曰今致虔園陵情敬俱重從  
禽猶有餘日請待他辰上大怒遣令下車  
以形短小

而止 陸慧曉為吏部郎明帝欲用為侍中以形短小而  
止後為右將軍出監南徐州朝議又欲以為侍中

王亮曰濟河須人今且就朝廷備之以鎮南兗州王瑩  
王志皆曰侍中彌須英華方鎮猶應有選者亮曰較其

二者貂蟬緩拒冠切當今朝廷甚弱宜從其直是我家切者乃以慧曉為輔國將軍南兗州刺史

**衰**

王曇首為侍中卒文帝為之慟中書舍人周起侍側曰王家欲衰賢者先隕帝曰直是我家衰

**凝務端朝贊契**

宋孝武故侍中司徒建安王宏墓銘云管機凝務端朝贊契

**時之秀**

劉湛為侍中時王華王曇首殷景仁並為侍中文帝於六合殿與四人飲甚悅華等出帝目送

良久歎曰此四賢一時之秀也同管喉舌恐後難繼也

**謙虛自退**

王僧綽為侍中任以機密時年

二十九始興王濬嘗問其年僧綽自謙早達良久乃荅其謙虛自退若此

**時**

殷景仁與王華王曇首劉湛四人並為侍中以風力獨幹冠冕一時同升之美近代莫及

**解璽**南齊謝朓宋朝為侍中及齊受禪朓當日在直百寮陪位侍中當解璽朓佯不知曰有何公事傳詔云解璽授齊



王肱曰齊自應有侍中乃引枕臥傳詔懼乃令稱疾欲取兼人肱曰我無疾何所道遂朝服步出東掖門乃得車仍還宅是日遂以王儉為侍中解璽既而武帝請誅肱高帝曰殺之則成其名正應容之度外冠貂

投地

張敬兒為南齊侍中領軍將軍又遷散騎常侍車騎將軍及臨誅脫冠貂投地曰用此物誤我敬兒

有軍功感邪夢為謠言跡覲覲以至殲亡亦理也

蟬冕所映彌有華采

度果之字景行

美姿質善言笑嘗兼侍中柳世隆在御座謂齊武帝曰度果之為蟬冕所映彌有華采陛下固當與其即真上甚悅王儉曰國家以果之清美所以許其假職若以其即真當在胡諧之後以清美假職上

燭燒貂

梁隆雲公見侍郎門

採薪得貂蟬

江淹年十二時孤貧採薪以養因得貂蟬一具

其母曰此固汝之休徵也汝行若此豈長貧賤耶可留待得侍中着之後果拜侍中四官皆珥貂

朱异居權要三十餘年善承上旨故特被武帝寵任歷

官負外散騎常侍至侍中四官皆珥貂自右衛率至領

軍四職並驅鹵

薄近世未有也

貪財冒賄异為侍中貪財冒賄欺罔視聽以伺候人主意不肯進賢

黜惡四方饋餉曾無推拒遠近莫不忿疾財賄充積性

吝嗇未嘗有所散施厨下珍羞常腐爛每月常糜十數

車雖諸子別房亦不分贍侯景鎮壽春累啟請與魏絕

和及致書與异餉金二百兩异取其金而不停北使景

遂反以討异為名景至城下又射啟言誅异等則臣按

鬱北歸帝登南樓望賊顏謂异曰四郊多壘誰之罪歟异

流汗不能對慚

忿發病而卒

樹為侍中折羊侃入南朝授太子左衛率侍中車駕幸樂遊苑侃

預晏時少府奏新造兩刃稍成長二丈四尺三寸帝因

賜侃河南國紫騮馬分試之侃執稍上馬左右擊劍持

盡其妙觀者登樹帝曰此樹必為侍中

折矣既而果折因號此稍為折樹猶

門中久無此職

蕭芥為侍中闕選司舉王均等四人並不稱旨高祖曰我門中久無此職宜用蕭芥為之芥博物強識應對左右多所匡正

王訓無謝彥回王訓為侍中武帝問何敬容曰謝彥回幾為宰相對

曰少過三十帝曰今之王訓無謝彥回彥回宋明帝時為侍中斂諸門鑰付柳侍中

遠為侍中嘗失大禁中鑰驚懼帝悉喻旨公卿對問惟

宸王筠為侯元讓侍中表曰至如元勳舊儒之胃積德累仁之家九世七葉之華相朝仕漢之責不然子駿

之學洞古今平子之恩倖造化仲宣之辨識無滯次仲之解經不窮然後可以喻旨公卿對問惟宸倍六尺之

輿通四方之意求樞機規獻實在得人丘遲為范甯年

之微臣此途隕絕讓梁臺侍中表

懷鉛早歲不以隕獲累心躡屣晚年豈以充誑在念蓋樞機規獻實在得人况在庸微何用膺荷六尺

之內陪接天光

任昉為王思遠讓侍中表行則六尺之內陪接天光語則服璽申命誠信區宇

獻可替否出納惟幾敷奏於金華之上進讓於玉堂之下金遷七貴之茂王粲二公之孫云云職思近

切任掌摠綸

陸倕張侍中啟爰降曲慈復叨清顯職司近切任掌摠綸魏選異才漢承高德異

才高德上

二賢相得

傅咸集曰朗陵公何敬祖咸之從內兄國子祭酒王武子咸從姑之

外孫何公既登侍中武子俄而亦作二賢相得甚欣咸亦慶之乃賦詩以申懷曰吾兄既鳳翔王子亦龍飛雙

鸞游蘭渚二離揚清輝

主喉舌

魏志應璩雜詩曰侍中主喉舌萬物無不亂

七葉珥漢

貂

晉左思詩云金張藉舊業七葉珥漢貂金張之家七葉為漢侍中也

為服三年喪者四

十餘人

蕭方三十國春秋曰丁未王師敗績於蕩陰侍中嵇紹以身捍上因遇害紹既死之後為服三

年喪者四  
十餘人  
通理有才義  
虞預晉書河間成都王舉兵向朝廷北討徵嵇紹為侍中天子

蒙塵其右將單裴指通理  
有才義僉論以為侍中  
大奴故自得鳳毛  
世說王敬倫美姿容以

父作侍中公服從門入桓公望之曰大奴  
故自得鳳毛也大奴王劭也亦見中興書  
帝思其言  
華陽

國志譙陸為上林令武帝欲廣上林苑陸言堯  
舜至治廣德不務苑帝思其言徵為侍中  
監典後

宮出入臥內  
後魏羅吉世祖初遷侍中外都大官總三十六曹事年一百七歲精爽不衰世祖以

其忠懇甚見信侍監  
典後宮出入臥內  
攜杖出入  
甄理為侍中以其衰老詔賜御府杖得攜杖出

貂鼯映首日月在躬  
北齊邢子才為彭城王奏讓侍中表曰貂鼯映首日月在躬冠

蓋庶僚跨躡多士雖智慚量力明闕自知在梁之  
譏無待諠譁之議素食之責豈須嘽嗜之口云云  
金蟬

**質綱**

李忠拜侍中後以年漸遲暮言於執政乞在閒職以養餘年乃除驃騎大將軍儀同三司復以本官

領衛尉卿卒有米三石酒數斛書籍藥物充滿篋架未及得斂至以金蟬質絹乃得斂焉 **飛蟬集冠**

見散騎 **五貴** 隋蘇威為納言與左翊衛將軍宇文述黃常侍門 **五貴** 門侍郎裴絃御史大夫裴蘊內史侍郎虞

世基參掌朝政時 **惡人異已** 威治身清儉以廉慎見稱人稱之為五貴 每至公議惡人異已雖或

小事必固爭之時人 **諫高祖與貴臣同坐** 唐高祖即位以為無大臣之體 言則稱名與

貴臣同榻而坐納言劉文靜進曰昔晉元帝與朝臣共坐王導奏曰若太陽俯同萬物欲使蒼生將何仰照今

至尊過自卑屈羣下何以自安 **占奏搢紳屬目** 陳叔達承乾坤之定位願陛下改之 字子聰

武德初授黃門侍郎判納言封江國公 **頡利懼而走** 恭叔達明辨善為容每占奏搢紳屬目 恭

仁授黃門侍郎尋為涼州總管就加納言突厥利率  
眾數萬獵其境恭仁應機設拒張疑屯虛幟示之頽利

懼而就加上言賣果蔬與人爭利蘇良輔垂拱初遷冬  
官尚書拜納言留守

走西京尚方監葉匪躬素諸苑建言繫果蔬儲利佐公上  
良輔曰儀休一諸侯相拔葵去織未聞天子賣果蔬與

人爭利諫以金塗九鼎九鼎成則天令以黃金千兩塗  
之納言姚瑋諫曰鼎者神器貴

在質樸豈待金色請率先百寮出任刺史長安中則天  
嘗與宰相議

方為炫耀從之及州縣官吏納言李嶠等奏臣等謬膺大任不能使兵  
革止息倉庫殷盈戶口尚有遁逃官人未免貪濁夙夜

慚惶不知啟處伏思當今要務莫過富國安人富國安  
人之方在擇刺史竊見朝廷物議莫不重內官輕外職

每除授牧伯皆再三被訴此東所造外官多是貶累之  
人風俗不澄實由於此今望於臺閣寺監妙簡賢良分

典大州共康庶績臣等請輟近侍率先具寮則天曰卿等誰為此行鳳閣侍郎平章事韋嗣立先對曰臣以庸愚謬膺獎擢承乏外臺庶當盡職於是嗣立帶本官兼檢校汴州刺史

韋公真宰相

韋安石遷

文昌右丞尋知納言事時二張武三思寵橫安石數折辱之會侍宴殿中易之引蜀商宋霸子等博塞后前安石跪奏商等賤類不當戲殿上顧左右引出坐昏失色后以安石辭正改容慰勉鳳閣侍郎陸元方自以為不及退告人曰此真宰相

言知惡而不去

王珪遷侍中它日進見有美人侍側

本廬江王瑛姬也帝指之曰廬江不道賊其夫而納其室何有不亡乎珪避席曰陛下以廬江為是邪非邪帝曰殺人而娶其妻乃問朕是非何也對曰臣聞齊桓公之郭問父老曰郭何故亡對曰以其善善而惡惡也公曰若子之言賢君也何至於亡父老曰不然郭君善善而不能用惡惡而不能去所以亡今陛下知廬江之亡



其姬尚在竊謂陛下以為是審知其非所謂知惡而不去也帝嘆美其言

陛下負臣臣不負

陛下

帝使太常少卿祖孝孫以樂律授宮中久之伎不進數被讓珪與溫彥博進曰孝孫謹修事陛下使

救女樂又責譙之天下其以士為輕乎帝怒曰卿皆我腹心乃附下罔上為人遊說耶彥博懼謝罪珪不謝曰臣本是前官罪當死陛下矜其性命別置樞密責以忠效今乃疑臣以私是陛下負臣臣不負陛下帝默慚遂

罷言房玄齡等材自謂孰賢

明日語房玄齡曰武王不用夷齊宣王殺杜伯自古

帝王納諫固難矣朕夙夜庶幾於前聖昨責珪等痛自悔公等勿憊是不進諫也時珪與玄齡李靖溫彥博戴胄魏徵同輔政帝以珪善人物且知言因謂曰卿標鑒通悟為朕言玄齡等材自謂孰賢珪對曰孜孜奉國知無不為臣不如玄齡兼資文武出入將相臣不如靖敷奏詳明出納惟允臣不如彥博濟繁治劇眾務必舉臣

不如肖以諫諍為心恥君不及堯舜臣不如微至教濁揚清疾惡好善臣於數子有一日之長帝稱善而立齡

等亦以為盡已所長處事以情魏徵為侍中尚書省滯謂之確論進封郡公

不素習法但存大體上書戒中宗中宗復位以桓彥範處事以情人人悅服

伏見陛下臨朝視政皇后必施帷殿上預聞政事臣愚謂古王者謀及婦人皆破國亡身傾軛繼路且以陰乘

陽違天也以婦凌夫違人也違天不祥違人不義故書曰北難之晨惟家之索易曰無攸遂在中饋言婦人不

得預外政也伏願上以社稷為重令皇后無居正殿於外朝深居宮掖修陰教以輔佐天子云

軍國事委裁可魏元忠進侍中武后崩挺直安樂公主館第成帝居喪軍國事委裁可

日謂曰向時雖朕亦不敢諫非公挺直何能且即拜侍賦詩御史大夫知政事李日知卒帝獨以規戒睿宗他

中后父

中宗既立欲以后父韋玄貞為侍中宰臣裴炎固爭以為不可中宗不悅謂左右曰我讓國與

玄貞豈不得何為惜侍中耶

褚遂良譖殺劉洎

太宗征遼東初

發定州在道不康侍中劉洎與中書令馬周入謁洎周出諸遂良傳問起居洎泣曰聖體患臃極可憂懼遂良誣奏之曰洎云國家不足慮正當傳少主行伊霍故事大臣有異志者誅之自然定矣太宗疾愈詔問其故洎以實對又引馬周以自明太宗問周對與洎所陳不異遂良又執証不已乃賜洎自盡初征遼東時太宗命洎兼太子左庶子賜宸宸台衡二銘

馬燧以河中平詔書褒美遷光祿大夫兼

侍中宴賜畢還太原是行也德宗賜宸宸台衡二銘燧至太原乃勒二銘於起義堂西偏帝為題額其崇寵如

此嚴正未嘗回容

張文瓘拜侍中性嚴正未嘗回容請諸司奏議悉心糾駁故帝委之或時

移疾他宰相奏事必問與文瓘議未若請息兵修德以

不者曰往共籌之或曰已議即皆報可

懷異俗新羅叛欲議出兵討之時文瓘病卧家自力請見曰土蕃未安屯兵不解新羅復叛議欲出師

二虜俱事臣恐人不堪敵請不節堂饌初堂饌豐餘欲少損文瓘曰此

天子所以重樞務待賢才也吾等若不任對地震張行成高

宗即位遷侍中監修國史時晉州地震不息帝問之對曰天陽也君象地陰也臣象君宜動臣宜靜今靜者願

動恐女謁用事大臣陰謀又諸王公主參乘起居或伺

間陳請宜明設防閑且晉陛下本封應不虛發伏願深

思以杜未萌帝然之詔降諸武王爵敬暉字仲暉以誅二張功加金紫光

祿大夫為侍中暉表請武王悉降爵由是皆為公三思憤俄罷政事言道不治罪二臣環

兼侍中帝幸東都次崤谷馳道隘稽擁車騎帝命黜河南尹李朝隱知頓使王怡等官環曰陛下富春秋今始巡守以道不治而罪二臣由此相飭後有受其蔽者帝遽命捨之環曰陛下向以怒責之今以臣言免之是過歸於上而恩在下姑聽待罪於朝

**言日食修德**會日食然後詔還其職進退得矣帝善之

侯變錄囚多所貸遺賑恤災患罷不急之務環曰陛下降德音恤人隱寬宥輕繫惟流死不免此古所以慎赦也恐議者直以月蝕修刑日食修德或言分野地重與有揣合臣以為君子道長小人道消止女謁放諱夫此所謂修德也因圍不擾兵甲不潰官不苛治軍不輕進此所謂修刑也陛下常以為念雖有虧食將轉而為福又何患乎願動天以誠

**焚藁**高儉字士廉進止詳華凡無侯空文帝嘉納之有獻替指紳皆屬目奏議未嘗不焚藁

**進止詳華**上甚得大臣體

郝處俊為侍中家人無見者

木形骸自參綜朝政每與上言議必引  
經籍以應對多有匡益甚得大臣體  
應對必引經籍

上前作后國奢後為主邑丞

竇懷貞遷侍中方太平公  
主于政懷貞傾已附離日

視事退輒詣主第刺取所欲中宗為金仙玉貞二公主  
營觀費鉅萬諫者交疏不止唯懷貞勸成之躬蒞役作

族弟維蓋諫曰公位上衮當思獻可苟否輔天子而計  
校瓦木雜廩役工匠間使海內何所瞻仰乎不荅督繕益

急時語曰前作后國奢後為主邑丞言事公主如邑官  
屬也在位半歲無所事帝引見承天切責之俄與李田

知郭元振免十死罪劉幽求為侍中降璽書曰使夫高  
張說盲罷免十死罪岸為谷長河如帶子子孫孫傳國

無絕人以卿忘軀珍難宜有思榮故特免十死罪  
書諸金鐵俾傳於後卿其保茲功業豈不美與  
獻詩

諫獵魏知古為侍中先天元年冬上畋於渭川知古獻  
詩以諷曰嘗聞夏太康五弟訓禽荒我后來冬狩

三駟盛禮張順時鷹隼擊講事武功揚奔走未及去翔  
飛定翔翔非熊從渭水瑞程想陳倉此欲誠難縱茲遊

不可常子雲陳羽獵傳伯諫漁棠得失鑒齊楚仁思念  
禹湯雅熙諒在宥亭毒匪多傷辛甲今為史虞歲遂孔

彭手詔得蒲萄不食陳叔達字子聰武德中拜侍中叔達  
明辨善容止每有敷奏搢紳莫不

屬目嘗賜食於御前得蒲萄執而不食高祖問其故對  
曰臣母患口乾求之不能致欲歸以遺母高祖喟然流

涕曰卿母可遺未嘗漏洩內事楊師道太宗時為侍中  
性周慎謹密未嘗漏洩

內事親友或問禁中之言乃更對以他語嘗曰吾少窺  
內史至孔光不言溫室之樹每飲其餘風所庶幾也師

道退朝後必引當時英俊後宴集請出二息補外源乾曜  
見同中

書門下獻瑤山往則維城前軌二篇裴光庭見弘  
文館學士門賊不

敢害

苗晉卿為侍中代宗即位晉卿年已衰落廣德初吐蕃寇長安晉卿時病臥於私第蕃賊聞之與入

膏之喋不肯語賊不敢害

以辯說參帷幄

侍中魏徵自以無功於國徒以辯說遂參帷幄深懼

滿盈後以目疾頰表遜位

諫王后之廢

韓瑗進侍中兼太子賓客王后之廢瑗雪泣言曰皇后乃

陛下在藩時先帝所娶今無罪輒廢非社稷計不納明日復諫曰王者立后配天地象日月匹夫匹婦尚知相

擇况天子乎詩云赫赫宗周褒如滅之臣讀至此尚輟卷太息不圖本朝親見此禍宗廟其不血食乎帝大怒

詔引出褚遂良貶潭州都督明年瑗上言遂良受先帝顧托一德無二向日論事至誠懇切詎肯令陛下後身

舜塵史冊哉願寬無辜以順衆心帝曰遂良之情朕知之矣其悖戾好犯上朕責之詎有過耶瑗曰遂良社稷

臣蒼蠅黑白傳致有罪昔微子既出辛殷以亡張華不死晉不及亂陛下富有四海安於清泰忽驅逐舊臣遂不



省察乎帝愈不聽瑗憂  
慎自表歸田里不報  
韓瑗救褚遂良上清儉不營產

業

黃門盧懷慎清儉不營產業器用服飾無金玉綺文

而於故人親戚散施甚厚為黃門侍郎  
往來東都掌選奉身之具纔一布囊耳  
奉身纔一布囊

上權傾中外

歸田錄曹侍中利用以勲舊自處權傾中外  
外雖宰執亦嚴憚之但呼侍中而不名凡

內降恩澤皆執不行然以其所執既多故有三執而內  
降出者則不得已而行之久之為小人所測凡有求而  
三降不行者必又請之太后曰侍中已不行矣請者徐  
啟曰臣已告侍中宅如婆或其親信為言之許矣於是  
又降出曹莫知其然但以三執不得已俛行之於是  
太后大怒自此切齒遂及曹芮之禍乃知大臣功高而  
權盛禍患之來非  
智慮所能防也  
兼侍中笏頭帶出於特恩  
侍中賜綈  
路金帶俗

謂之笏頭帶自非二府文臣不得賜者唯張耒為樞密使李用和以有舊勳高昭永為駙馬都尉李昭亮亦以戚里四人者皆兼侍中出於特恩也

### 門下侍郎

前漢百官表有侍郎無員多至十人比四百石

後漢百官志給事黃門侍郎六百石本注曰無員常侍

從左右

漢舊儀曰黃門郎屬黃門令日暮入對青瑣門拜名曰夕郎獻帝起居注曰帝初即位置侍中

給事黃門侍郎員各六人出入禁中近侍帷幄省尚書事政給事黃門侍郎為侍中侍郎去給事黃門之號旋復故舊侍中黃門侍郎以省中宮故不與近密交政誅黃門後侍中侍郎出入禁中機事多露由是王允乃奏

此尚書不得出入不  
通賓客自此始也

漢官儀給事黃門侍郎次侍中侍從左右門通內外給  
事於中故曰給事中黃門侍郎

後漢輿服志禁門曰黃闥以中人主之故號曰黃門令  
然則黃門即給事黃闥之內故曰黃門郎本既無員於  
此各置六人

晉職官志給事黃門侍郎秦官也漢以後並因之與侍  
中俱管門下衆事無員及晉置員四人

宋百官志給事黃門侍郎四人與侍中俱掌衆事郊廟  
臨軒則一人執麾史官按劉向與子歆書曰黃門郎顯  
處也然則前漢世已為黃門侍郎矣董巴漢書曰禁門  
曰黃闥之內故曰黃門郎魏晉以來員四人秩六百石  
南齊百官志給事黃門侍郎亦管知詔令世呼為小門  
下齊職儀給事黃門侍郎四人秩六百石武冠絳朝服  
漢中有黃門給事黃門位從諸大夫秦制也與侍中掌  
奏文案贊相威儀典書其事

隋百官志給事黃門侍郎四人掌侍從左右擯相威儀  
盡規獻納糾正遺闕侍郎中高功者在職一年詔加侍  
中祭酒與侍郎高功一人對掌禁令後齊六人隋四人  
煬帝減置二人去給事之名

丹墀

前漢尚書奏事明光殿省中以丹朱漆地故曰丹墀尚書郎黃門侍郎對揖

正君臣篇

字

劉向七畧曰孝宣申不害君臣篇使黃門郎張子喬校正其字

得志自樂

傅子曰王黎為黃門

郎軒軒然得志

恥與毛曾並坐

魏志夏侯玄弱冠為散騎常侍郎常見與皇后

弟毛曾並坐玄恥之俄遷羽林監

在朝不結交

杜恕為散騎黃門侍郎恕推誠以質不沾飾在

朝不結交每政有得失常引綱維以正言於是侍中辛毗等器重之每直省閣威儀矜嚴

杜恕拜黃門侍郎每直省閣威儀矜嚴有籌畫智略夏侯尚字伯仁文帝與之親友有籌畫智

略太祖定冀州諫西征鍾毓年十四為散騎侍郎機捷談笑有父風太和初蜀相諸葛

惟懼不下殿堂之上而決勝千里之外車駕宜鎮守中

實非至尊慎動之時也遷黃門侍郎旦夕侍講魏畧

字季真獻帝時為黃門侍郎旦夕侍講為天子所愛名播吳越季豐字安國年十

識別人物明帝時得吳降人問江東名士為誰曰聞有安國是時黃門侍郎上曰豐名乃播吳越耶後轉都尉

給事諸葛亮命費禕同載蜀志費禕為黃門侍郎丞相亮南征還羣僚於數十里逢

迎年位多在禱右而獨命用侍郎當如孫承顧榮  
吳志

禱同載由是眾莫不易觀好學為黃門侍郎與顧榮俱為侍臣歸命時內侍多得

罪唯榮承獨免常使二人記事承荅顧問乃下詔曰自  
今用侍郎當如侍立終日為司過之吏  
孫承顧榮也  
孫皓每宴羣臣無不咸令沉醉

置黃門郎十人時不與酒侍立終日為司過之吏宴罷  
之後各令奏其闕失迕視之荅謬言之愆罔有不舉大

者即加威刑小有大才令望  
晉書顧榮仕吳弱冠為黃門侍郎當時後進盡相推

謝為稱榮有不阿比凶族  
賈謐為給事黃門侍郎侍中

潘岳杜斌等皆附託馬謐求交於紹紹拒而不  
荅謐誅紹時在省以不阿比凶族封弋陽子以天下

是非為已任晉載記泰黃門侍郎古成說風韻秀舉確  
然不羣每以天下是非為已任時京兆韋

高慕阮籍之為人，居母喪，彈琴飲酒，詵聞而泣，曰：「吾當手从斬之。」以崇風教，遂持劍求高，高懼逃匿，終身不敢

見千門萬戶畫田即成。王隱晉書：泰始三年，詔中書侍郎張華博學，有文理，器幹，其以

華為黃門侍郎，華博覽圖籍，四海之內，若年十六。英雄指諸掌，世祖問華：「千門萬戶畫田即成。」

純好學，問敬愛博士，由是遠。每納忠言，輒壞其本。任嘏近所稱，年十六為黃門郎。

嘏字似先，魏文以為黃門郎，每納忠言，輒壞其本，自在禁省，歸書不封，帝嘉其淑慎，子無禪。桓階

階為尚書令，文帝見諸子無衣，上搏人門兼美，陳宣帝謂吏部

手曰：「長者也是日拜三子為黃門郎。」侍郎蔡凝曰：「我欲用義興王，得錢蕭為黃門侍郎，卿意何如？」凝正色曰：「黃散之職，須人門兼美，帝默然而止。」

從容論議參贊大政。後魏書：翟光為黃門侍郎，未嘗留心文業，唯從容論議參贊大政而已。



當時壯其忠蹇

陽平王之子匡為黃門侍郎茹皓始有寵百寮敬憚之世宗曾於山陵還詔匡

陪乘又命皓登車皓將上匡諫止世宗遷授不謝謁城

推之命下皓恨匡失色當時壯其忠蹇

王之子順除給事黃門侍郎領軍元義威刑尤威允有

遷授莫不造門謝謁順拜表而已曾不詣義義謂順曰

卿何不見我順正色曰天子富於春秋委政宗輔叔父

宜以至公為心舉士報國如何賣恩責人私謝豈所望

也晉王以下拜於帝前

盧誕拜給事黃門侍郎魏帝詔曰經典易求人師難得朕諸兒

稍長欲令卿為師於是詣晉兄弟五人相代

王第勅晉王以下拜於帝前北齊書給

郎河南陸朗弟駿香薦彥師兄弟五人相代為黃門侍

郎其吏部郎今侍郎也事亦見路敬淳古今人物卓絕

譜置笏於地

隋書劉行本為黃門侍郎文帝嘗怒一郎於殿前笞之行本進諫帝不顧行本乃正

當上前曰陛下不以臣不肖置臣左右豈得輕臣兄弟而不顧乃置笏於地而退上謝之而原所咎者

**對居近侍**

唐書溫大雅遷黃門侍郎弟大有為中書侍郎對居近侍議者榮之高祖從容謂曰我起

義晉陽為卿一門爾

**奉身纒一布囊**

見侍中門

**束帶至晚未嘗休偃**

崔元

綜長壽中遷鸞臺侍郎勤於政事

**諫修蓬萊宮**

張文瓘為東臺

每在中書必束帶至晚未嘗休偃

侍郎龍朔三年蓬萊宮成百官奉賀文瓘諫曰人力不可不惜百姓不可不養養之逸則富以康使之勞則怨

以叛秦皇漢武廣事四夷多造宮室使土崩瓦解戶口減半臣聞制治於未亂保邦於未危其弊必構禍難設鑒

不遠近在勝朝臣願稍安撫

**士可殺不可辱**

張廷珪遷黃門侍郎

時監察御史蔣以監決杖刑稍輕勅朝廷杖之廷珪奏曰御史憲司清望耳目之官有犯當殺即殺當流即流

不可決杖士可殺不可辱也議者以為是獨存規誠

李日知遷黃門侍郎時安樂公主新成池館中

宗親徃臨幸從官皆預宴賦詩日知獨有規誠於其末章日所願暫思居者逸莫使時稱作者勞論者多之

竟終喪制

張說丁母憂去職起復授黃門侍郎累表固辭言甚切至優詔方許是時風教頽紊多以

起復為榮而說固節懇辭竟終喪制識者美之

### 給事中

前漢百官表給事中亦加官所加或大夫博士議郎掌  
顧問應對次位中常侍中黃門有給事黃門位從諫大  
夫皆秦制

漢儀注給事中日上朝謁平尚書奏事分為左右以有事殿中故曰給事中多名儒國親為之掌左右顧問

後漢百官志給事中關通中外及諸王朝見於殿上引諸王就坐

晉職官志給事中秦官也所加或大夫博士議郎掌顧問應對位次中常侍漢東京省魏世復置至晉不改在散騎常侍下給事黃門侍郎上無員

隋百官志梁集書省有給事中掌侍從左右獻納得失

後齊集書省給事中六十人中侍中省給事中四人後周天官之屬有給事中士六十人掌理六經給事左右其後別置給事者在六官之外隋門下省有給事中二十人開皇六年始於吏部置給事郎名為門下之職位黃門下置員四人從五品省讀奏案

唐百官志給事四人正五品上掌侍左右分判省事察弘文館繕寫讎校之課凡百司奏抄侍中既審則駁正違失詔敕不便者塗竄而奏還謂之塗歸歲終奏駁正

之目凡大事覆奏小事署而頒之三司詳決失中則裁其輕重發驛遣使則與侍郎審其事宜六品以下奏擬則校功狀殿最行藝非其人則白侍中而更馬與御史中書舍人聽天下冤滯而申理之

武德三年改給事郎曰給事中龍朔二年

改給事中為東臺舍人咸亨初復舊

六典給事中四人正五品上

晉令云品第五武冠絳朝服梁陳秩六百石品第七

後魏史闕其員初從第三品上太初末從第六品上北齊從第六品上

五代史百官志唐同光元年給事中置一半

國朝淳化四年以給事中封駁隸銀臺通進司應詔勅  
並令樞密直學士向敏中張詠詳酌可否然後行下

### 官品令給事中正四品

傅朕八年

前漢元帝詔書蕭望之傅朕八年可賜爵關內侯給事中

呼其小字阿蘇

魏志秦朗字元明時帝即位授以內官為給事中每車駕出入朗常隨從時明帝喜發舉隱匿教有以輕微而致大辟者朗終不能有所諫止亦未嘗進一善人帝亦以是親愛每顧問之多呼其小字阿蘇

立德邈

然

晉書任熙字伯達立德邈然拜給事中

宜在中朝

晉起居注武帝詔曰郎中張達忠萬履素

為江表士大夫所稱宜俊才  
荀綽宛州記表準字孝尼在中朝以達為給事中  
有俊才太始中拜給事中

**有古之風**

吳均齊春秋太子竊於東宮遣徐文景造乘輿御物陶仁為給事中謂文景曰汝面當滅

門仍移家避之後太子薨事泄文景賜死陶仁不哭時謂仁有古之風

**宜在左右以敦儒**

**訓**

晉武帝詔燕王陳劭清負廉潔博通六籍宜在左右以敦儒訓可給事中

**帝室茂親貴遊**

**子弟**

東晉集負外侍郎及給事冗從皆是帝室茂親或貴遊子弟若悉從高品則非本意若精鄉議則必

有降損

**父有言則治臣有言而不治**

梁湘東王暉孝子傳陳紀父寔紀子羣魏

使持節給事中文帝曰卿何如祖父羣曰臣父有言則治臣有言而不治

**犯宰執之怒**

唐于

給事中昭愍初即位李逢吉用事與翰林學士李紳素不叶遂誣紳以不測之罪逐於嶺外紳同職知制誥龐

嚴蔣防坐黨左遷信汀等州刺史及詔下教封還詔書時人以為與嚴相善訴其非罪皆曰于給事犯宰執之



怒仲龐嚴蔣防屈不亦仁乎及駁奏出乃是論嚴貶黜  
太輕中外無不大喙而逢吉由是契之尋遷工部侍郎

**列其枉狀**

李嶠遷給事中時酷吏來俊臣構陷狄仁傑  
李嗣真裴宣禮等雖知其枉懼之則天使嶠

與大理少卿張德裕等覆其獄德裕等雖知其枉懼罪  
並從俊臣所奏嶠曰豈有知其枉濫不為申明哉乃與  
德裕等列其枉狀由是  
忤旨出為潤州司馬  
**諫以萬乘至尊共臣下爭功**  
張

成累遷給事中太宗嘗臨軒謂侍臣曰朕所以不能忘  
情欲取樂當年而勵節苦心卑宮非食者正為蒼生耳  
我為人主兼行將相之事豈不是奪公等名行成退而  
上書諫曰陛下聖德含光規模弘遠雖文武之列實無  
將相可用臨軒對眾與之較量損萬  
乘至尊共臣下爭功哉太宗深納之  
**宜在瑣闥**  
郭承嘏  
字復卿

轉給事中出為華州刺史詔下西省送詣中書求承嘏  
出麾之由給事中盧載封還詔書奏曰承嘏自居此官

繼有封駁能奉其職宜在項闥收守之中易為推擇文宗謂宰臣曰承叔久在黃扉欲優其俸祿暫令廉問近闕而諫列拜章惜其稱職甚美事也乃復為給事中時稱舉職崔植字公修為給事中時稱奉職時皇甫鏞請減內外官俸植封還勅書極諫而止鏞復奏諸州府鹽院兩稅權酒鹽利四段等加估定數植疏論奏物議罪不擇時奏對李遜為給事中以舊制隻日鏞而美植不擇時奏對視事對羣臣遜奏論曰事君之義有犯無隱陳誠啟沃不必擇辰今羣臣敷奏乃候隻日是畢歲臣下觀天顏獻可替否能幾何憲宗嘉之乃許不擇批敕有夕郎之風李藩字叔翰遷給事中制時奏對批敕有夕郎之風勅有不可就敕尾批卻之史曰宜別白連紙藩曰別朕紙是牒豈曰勅耶裴均言於帝以為有宰相器遂拜相故史臣曰批勅有夕郎之風執詞頭謁宰相袁高為給事中德宗將起盧杞為饒州刺史高當草詔見宰相盧翰劉從

一曰杞當國矯誣陰賊斥忠誼傲明德反易天常使宗  
祐失守天下疣痂朝廷不真以法才示貶黜今遷授大  
州天下其謂之何宰相不悅命舍人  
草之詔出高執之不下乃奏論之  
以身為犧牲閻朝

給事中則天不豫令朝隱往少室山祈禱朝隱曲申悅  
媚以身為犧牲請代上所苦及將康復賜綳練百匹金

器十事俄改

**凝碧詩**

王維字摩詰天寶末為給事中祿  
麟臺少監山陷兩都玄宗出幸維扈從不及

為賊所得祿山宴其徒於凝碧池其樂工皆梨園弟子  
教坊工人聞之悲惻潛為詩曰萬戶傷心生野烟百官  
何日再朝天秋槐花落空宮裏凝碧池頭奏管弦  
賊平陷賊官三等定罪維以詩聞肅宗乃特宥之  
**有迴**

**天之力**

張玄素遷給事中太宗詔發卒修治洛陽宮乾  
陽殿以備上巡幸玄素上書諫之太宗嘆曰張

公論事有迴天之力可謂仁人之言其利溥哉

**未十年髭鬚盡白**

國朝至道中  
以給事中魏

羽知潭州上曰魏羽雅有心計通明吏道但無執守易  
遷徙耳朕自任使以來未十年鬢鬢盡白亦可憐也

左散騎常侍

通直散騎常侍

負外散騎常侍

散騎侍郎

通直散騎侍郎

負外散騎侍郎

前漢百官表散騎中常侍皆加官

魏文帝令散騎中  
常侍為散騎常侍

所

加或列侯將軍卿大夫將都尉尚書太醫太官令至郎

中無員

如淳曰將謂郎將以下也自列侯下至郎中皆  
得有散騎及中常侍加官是散騎及常侍各自

一官無  
員也

多至數十人侍中常侍得入禁中諸曹受尚書

事諸吏得舉法散騎騎馬並乘輿車

並步浪反騎而散從無職也

後漢百官志中常侍千石本注曰宦者無員後增秩皆

二千石掌侍左右從入宮內贊導衆事顧問應對

應劭漢官秦置中常侍入禁中常侍左右光武中常侍

用宦者

又曰秦及前漢置散騎及中常侍各一人散騎騎馬並乘輿車獻可替否

魏志文帝延康中置散騎常侍為一官省中置四人與侍中同掌規諫不用宦者為官不過署令

魏畧黃初中始置四常侍入侍從與上談議不典事故

遂以為加官又散騎常侍比侍中貂璫挿右

環濟要畧散騎常侍騎而散從侍郎入侍左右出則侍  
事於廊廡之下

晉職官志散騎常侍本秦官也秦置散騎又置中常侍  
散騎騎從乘輿車後中常侍得入禁中皆無員亦以為  
加官漢東京初省散騎而中常侍用宦者魏文帝黃初  
初置散騎合之於中同掌規諫不典事貂璫挿右騎而  
散從至于晉晉不改及元康中惠帝始以宦者董猛為中

常侍後遂止常為顯職通直散騎常侍案魏末散騎常侍又有在員外者泰始十年武帝使二人與散騎常侍通員直故謂之通直散騎常侍江左置四人員外散騎常侍魏末置無員散騎侍郎四人魏初與散騎常侍同置自魏至晉散騎常侍侍郎與侍中黃門侍郎共平尚書奏事江左乃罷通直散騎侍郎四人初武帝置員外散騎侍郎及太興元年元帝使二人與散騎侍郎通員直故謂之通直散騎侍郎後增為四人員外散騎侍郎

武帝置無員

陶氏職官要錄案漢初有騎郎常侍有貲者得為騎郎  
貲滿五百石為常侍郎張釋之以貲為常侍郎蓋此官  
也

南齊百官志散騎常侍通直散騎常侍員外散騎常侍  
舊典侍中通官其通直員外用衰老人士故其官漸替  
宋大明年中雖革選比侍中而人情久習終不見重尋  
復如初散騎侍郎通直散騎侍郎員外散騎侍郎集書



省職置正書令史朝散用衣冠之餘人數猥積

隋百官志梁集書省置散騎常侍通直散騎侍郎各四  
人員外散騎常侍無員散騎侍郎通直散騎侍郎各四  
人又有員外散騎侍郎常侍高功者一人為祭酒與侍  
郎高功者一人對掌禁令糾諸通直散騎常侍通直員  
外舊並為顯職與侍中通官宋代以來或輕或雜其官  
漸替天監六年革選詔曰昔晉初仰惟盛化常侍侍中  
並奏帷幄員外常侍特為清顯陸始名公之肩位居納

言典蒙優禮方有斯授可分門下二局委散騎常侍尚書案奏分曹入集書通直常侍本為顯爵員外之選宜參舊准人數依正直格自是散騎視侍中通直視中丞員外視黃門郎陳因梁制

北齊集書省散騎通直常侍各六人散騎侍郎六人員外散騎常侍二十人通直散騎常侍通直散騎侍郎六人員外散騎侍郎一百二十人又領起居省散騎常侍通直散騎常侍通直散騎侍郎各一人隋門下省有散

騎常侍六人通直散騎侍郎四人並掌部從朝直又有  
員外散騎侍郎二十人並掌同散騎常侍等六年罷門  
下省員外散騎常侍武騎尉等員煬帝廢散騎常侍通  
直散騎常侍散騎侍郎等常員

唐百官志門下省左散騎常侍二人正三品下掌規諷

過失侍從顧問

武德初以為加官貞觀初置常侍二人  
隸門下省顯慶二年又置二員隸中書

省始有左右之名並金蟬珥貂左常侍與侍中左貂右  
常侍與中書令右貂謂之八貂龍朔二年為左右侍極  
咸亨復廣德二年升為正三品加置四員興元元年正  
月左右各加一員貞元四年正月勅省舊四員中書省

右散騎常侍二人等如門下省

六典左散騎常侍二人從三品

晉置四人典章表詔命優文策文等雖隸門下

別為一省潘岳云寓直散騎之省是也晉代此官選望甚重時與黃門侍郎謂之黃散晉令云散騎常侍品第三武冠右貂金蟬絳服佩水蒼玉梁加秩中二千石後班第十二後魏品第二下太和末從三品隋從三品掌陪從朝直寶應二年勅左右散騎常侍各置參官兩人今自揀擇聞奏參典亦置兩人後省

五代百官志後唐同光元年左右散騎常侍置一半

國朝官品令左右散騎常侍正三品

中常侍

召取衣冠臨拜復止

前漢大將軍王鳳用事上遂謙讓無所專左右嘗薦光祿大夫劉向

少子欲通達有奇異材上召見歌誦讀詩賦甚悅之欲以為中常侍召取衣冠臨拜左右皆曰未晚大將軍上曰此小事何須闕大將軍左右叩頭爭之上於是語鳳鳳以為不可乃止不拜其見憚如此

我翁我

母

續漢書靈帝以張讓趙忠段熲等十二人皆為中常侍封侯貴寵帝嘗曰張常侍是我翁趙常侍是我母

休沐閉門絕賓

東觀漢記蔡倫字敬仲為中常侍有閹才學盡忠重慎每至休沐閉門絕賓

人為常侍

朱穆諫曰臣聞漢家舊典置侍中常侍各一人省尚書中黃門侍郎一人傳發書奏皆用

姓族自和熹太后以女主稱制不按公卿乃以閹人為常侍小黃門通命兩宮自此以求權傾人主宜皆罷遣博選潛儒宿德參預政事帝怒不應穆

假貂璫之飾處

常伯之任

穆拜尚書既深疾官官及在臺閣旦夕共事  
悉欲除之乃上疏曰漢故事常侍參選

士人建武以後乃悉用宦者自延平以  
來寔益貴盛假貂璫之飾處常伯之任  
**十常侍**宦者張

讓趙忠等凡一十人皆為中侍封侯貴寵黃巾既作盜  
賊糜沸郎中張鈞上書曰竊惟張角所以能興兵作亂

而萬人所以樂附之者其源皆由十常侍多放父子兄  
弟婚親賓客典據州郡酷椎財利侵掠百姓百姓之冤

無所告訴故謀議不軌聚為盜賊宜斬十常侍頭懸南  
郊以謝百姓帝怒御史承讓等首遂誣鈞學黃巾道掠

死獄中章重上不報詔使廷  
尉侍御史考為張甬道者  
**一心王室不事豪黨**鄭眾

產為人謹敏有心機永平中初給事太子家肅宗即位  
拜小黃門遷中常侍和帝初竇太后秉政兄大將軍憲

等並竊威權朝臣上下莫不附之而眾獨一心王室不  
事豪黨帝親信焉及憲兄弟圖作不軌眾首謀誅之以

功遷大  
長秋

處朝忠蹇

陸凱上疏曰中常侍王審黃中通理  
知天知物處朝忠蹇斯社稷之重鎮

今大晉之  
龍逢也

散騎常侍

通直散騎常侍

員外散騎常侍

忠直

前漢劉更生遷散騎元帝初即位太傅蕭望之為  
前將軍少傅周堪為光祿大夫皆領尚書事甚見

尊任更生年少於望之堪然二人重之薦更生宗室忠  
直明經有行擢為散騎宗正給事中與侍中金敞拾遺

於左右四人  
同心輔政

朝夕進規獻

魏志應璩雜詩云散騎帝師  
友朝夕進規獻為散騎侍郎

遷常侍文章叙云璩博學好  
屬文善為書記歷散騎侍郎

上萬幾論

蔣濟字子通上  
萬幾論文帝善

之入為散騎常侍時有詔征南將軍夏侯尚曰卿腹心  
重將特當使恩施足死惠愛可懷作威作福殺人活人  
尚以示濟濟既至帝問曰卿所聞見天下風教何如濟  
對曰未有他善但見亡國之語耳帝忿然作色而問其  
故濟具以荅因曰夫作威作福尚書之明誠天子無戲  
言古人所慎惟陛下察之於是帝意解遣追取前詔

**稱揚漢美**

衛臻丞相戶曹遠散騎常侍文帝踐阼時羣臣並頌魏德多抑損前朝臻獨明禪授之議

稱揚漢美帝數目臻曰天

**凌波而前**

徐宣遷散騎常侍從至廣陵六軍乘

舟浪暴起帝船迴倒宣病在後

**故師**

魏畧高堂隆為平原王師明帝立以

隆故師拜散騎

**行步顧景**

何晏字平叔有才能曹爽以

常侍甚見禮敬

為散騎常侍美姿儀人疑其

傅粉行

**姿才容貌**

蜀志孟達字子度降魏魏文帝推為善達之姿才容貌為散騎常侍



顏淵

晉梁益士傳云文立字廣休師事譙周門人共推立為顏淵陳壽李宓為子夏立在晉為太子中庶

子遠散騎常在員內

在員內上常媿有累清談

鄭熙字思元為散騎常侍世祖

出南郊侍中當參乘詔曰使鄭常侍謂熙曰卿知其何以得參乘昔州內舉卿相輩常媿有累清談對政

事

熙為散騎常侍武帝問以政事對曰勤穡務農為國之基選人得才濟世之道居官久職政事之宜明慎

熙陟勸阻之由崇尚儒素化導之本如此而已帝善之

金貂換酒

阮孚字遙集散騎常侍以金貂

換酒為所司糾彈帝宥之

選望重輕

初晉安帝時散騎常侍望重以與侍中不異其後職任閒散用

人漸輕宋孝建三年武帝欲重其選於是史部尚書顏峻奏以孔顛及司徒左長史王景文應舉帝不欲威權在下其後分吏部尚書置二人以輕其任侍中蔡興宗謂人曰選曹望重常侍閒淡改之以名而不以實雖主

意欲為輕重人心豈可變耶

**寓直**

潘岳秋興賦序云余春秋三十有二始見

既而常侍之選與吏部俱貴

二毛以太尉掾兼虎賁中郎將寓直於散騎之省高閣連雲陽景罕曜珥蟬冕而襲紈綺之士此馬遊處岳時任

中郎將即騎班同中書

華嶠加散騎常侍班同中書寺為內臺中書散騎著作治禮音

律天文術數南省文書門下撰集皆典之也

**以道清粹重於朝廷**

程咸博學洽通文藻

清敏其以為散騎常侍

案以道清粹重於朝廷句下原本脫去注語其注中程咸云云乃王隱晉書之文當

別為一條而失其標目

**俱掌直諫**

傅玄字休奕為散騎常侍晉受禪進爵加

今無可校補姑仍之

**宜綜國史**

晉中興書度蘭有文章才識議

駙馬都督與皇甫陶俱掌直諫玄志在拾遺多所匡救

者以為宜綜國史於**才藝簡亮宜居獻替**

謝萬昇平五年詔曰前中

郎將萬才藝簡亮宜居  
獻替以為散騎常侍

**博學有才氣**

顏愷之字長康為散騎常侍博學有

才氣而名士多與遊又善畫妙於時為人鈍而傲頗自矜尚故世愛其才藝而輕其傲忽數以為笑又文章志云世謂長康有三絕

**有三絕**

**上有夙望**

荀勗字令遠儀恭有望太宗深

文章絕畫絕知絕

器之尚書左丞  
轉散騎常侍

**機管要任不可久曠**

晉起居注紀長兼侍中閔內侯侃所

疾非日月可愈機管要任不可久曠今轉為通直常侍給駟兵

**賜錢二十萬牀帳一具**

太康七年詔尚書馮純忠亮在公厯職內外勤恪匪懈而疾苦未差屢求放退其以純為散騎常侍賜錢二十萬牀帳

**拾遺左右**

泰始元年詔給事黃門侍郎王珣理識通原為志好學不殞先業宜在左

右之列給事中何遵公亮貞烈有才幹器任久歷朝位試用自效各宜甄敘拾遺左右者也其以珣遵並為散騎常

侍使分典內者  
事更讀文書

八歲侍講

晉諸公讚司馬駿五六歲能書數魏王為帝駿年八歲為

散騎常侍

耽翫典藝博物洽聞

干寶晉紀詔騎都尉譙周開居守道不仕危國蜀亡之際

勸劉禪歸命有忠王濟民之謀及耽翫典藝博物洽聞朕甚嘉之其以為散騎常侍

與中書參典

著作

華嶠集詔曰散騎以從容侍從承答顧問掌贊詔令平處文籍故前是多用言語文學之士議郎華

嶠有論議著述之才其以嶠為散騎常侍兼與中書參典著作事嶠表謝云非臣典筆申辭所能陳謝

於應對

陶氏家傳潘遷散騎常侍博洽書傳善屬文敏於應對兼美安容每朝讚導同僚常推君子焉

才志器局當為黃散

山公啟事却說才志器局當為黃散謂黃門侍郎及散騎常侍也又

曰散騎常侍缺當取素行者補之遂用却說

素行上

非其好

竹林七賢傳阮籍字嗣宗高貴

鄉公立以為散騎常侍非其好也

處已以廉

郭子曰鍾雅白左右丞桓

之獨處八座三蟬

宋何戢為太子詹事上欲轉戢領選尚書令欲加戢散騎常侍褚彥回曰

以廉八座三蟬

領選職方皆小選不容頓加常侍聖旨每以蟬見不宜過多臣與王儉既已在珥若復加戢則八座便有三蟬

若秩以駢游亦不為少通貂蟬從兜盞中出

南齊周盤龍拒魏有

軍功年老求解職為散騎常侍武帝戲之曰御著貂蟬何如兜盞盤龍曰此貂蟬從兜盞中出

飛蟬集

冠梁朱异除中書郎時秋日始拜有飛蟬止集

第三清

後魏明亮為常侍加武勇將軍進曰臣本官常侍是第三清今授武勇其號至薄

誤授官祿

高祖

以李彪為散騎常侍郭祚因入見高祖謂祚曰朕誤授一人官祚對曰豈容聖詔一行而有差異高祖況吟曰

此自應有讓因讓朕欲別授一官須臾彪有啟云伯石  
解卿子產所惡臣欲之已久不敢讓高祖歎謂祚曰卿  
之忠諫孝彪不辭使朕遲回  
不能復決遂不換彪官也  
王言遺滯高祖謂散騎常侍元景曰卿等

自在集書閣省遺情致  
使王言遺滯起居不修  
位在中書之右宋弁為散騎常侍尋遷右將軍

領黃門弁屢自陳讓高祖曰散騎位在中書之右常侍  
者黃門之庶兄領軍者三衛之假攝不足空存推讓以

棄大美其被  
知遇如此  
今日誰相對三國典畧道散騎常侍崔瞻聘於陳瞻辭額温雅南人

欽服乃謂之曰常侍前朝  
何竟不來今日誰相對者  
上殿不下有賀雅梁賀琛為散騎常侍

梁主與語常移晷刻故省中語曰上殿  
不下有賀雅琛容止詳雅故人呼之  
答問處當皆有

條理吳志薛榮既至洛陽為散騎常侍答問處當皆有條理  
臥鎮六軍晉中興紀瞻轉領

軍累乞退不許及王敦之逆詔上殿參定謀策復加散  
騎常侍以病辭帝曰今日之事正當賴先帝社稷之忠  
臣豈得如君之所論但為朕以鎮六軍  
則所益不少瞻奉詔使出申將軍令  
衛左右甚有清

才

王讚晉惠帝時為散騎常侍衛左右甚有清才

南郊奉乘西省文辭

陳徐陵讓表云

南郊奉乘當求鄭默之才

此吾任城

梁散騎常侍廬陵王讚膂力絕人馳

射遊獵發便命中高

舞胡致位五品

唐高祖拜舞人安叱奴為散騎常侍

李綱上疏諫曰謹按周禮均工樂胥不得預仕伍今新

定天下開太平之基起義功臣行賞未徧高才碩學猶

滯草萊而先令舞胡致位五品鳴玉曳組趨馳廊廟故

非創業垂統貽厥子孫之道也言雖激切而高祖不見

聽

登牀

劉洵性疎俊敢言太宗工王羲之書尤善飛白嘗宴三品以上於玄武門帝操筆作飛白字賜

羣臣或乘酒爭取於帝前帝笑曰以納諫為對師登改

昔聞婕妤辭輦今見常侍登牀左散騎

常侍因中謝憲宗問時朝廷推其名望崔玄亮朝廷推其名望遠散騎

常侍詣延英請對宋中錫為鄭注所構獄自內起散騎常侍崔玄亮率諫官十四人詣延英請對

言訖嗚咽文宗為之感悟近密非賢不可居荀晉卿字元輔肅宗欲以李輔國為常侍奏曰

常侍近密非賢不可居六典東晉併中書入散騎省故庾亮讓中書賸

曰方今併省不多官往往年中書事并付散騎此事宜也方今喉舌之要則任在門下章表詔命則取之散騎

殊無事復之中書也望南宮侍郎如仰霄漢案此條注文原缺

### 通直散騎常侍



宜在機近規納善言

晉起居注惠帝永寧元年詔散騎常侍王睿性識明徹日新匪懈宜

在機近規納善言

機管要任不可久曠

紀長兼侍中閤內侯所疾非日月可愈機管要

任不可久曠今轉為通直散騎常侍

歷任左右勅勞內侍

臧榮緒晉書泰始十年詔程咸

忠誠直正幹理貞固博學洽通文藻清敏歷任左右勅勞內侍乃心在公夙夜不懈具以咸為散騎常侍左通

直通直殿中

陶氏職官要錄泰始十年詔東平王懋為郎外常侍通直殿中與散騎常侍通直通

直之號自此始也

鮑通直復是何許人

梁鮑泉嘗乘高轆車從數十左右繼蓋服玩甚

精道逢國子祭酒王承承疑非舊貴遣訪之泉從者荅曰鮑通直衆怪焉復欲辱之遣通車問鮑通直復是何

許人而得如此都下少年遂為口實見南華人相戲曰鮑通直復何許人而得如此以為笑謔  
唯取梁

元帝素琴一張

後周裴尼為通直散騎常侍從於比陵所獲單賁忠諸將枝取之餘人皆競取

珍玩尼惟取梁元帝素琴一張而已

宿衛不宜曠

朱鳳晉書左軍陳與騫之子以父老求去職宿

衛不宜曠詔以為通直常侍

御筆除通直字

北齊張景仁除通直散騎常侍及奏御筆點除通直

字遂為

正常侍

### 員外散騎常侍

閒任外位

晉諸公贊任城王陵齊王攸皆為魏員外散騎常侍于時公族務在閒任外位

才幹

學義

王隱晉書吏部李重啟東莞太守曹嘉之皆才幹學義先代之後可補員外散騎常侍

給本

俸以終餘年

咸康八年員外散騎常侍孫朝年八十告老遜位司徒王導表朝恩優泰聽其順養

弃身茨宇絕榮仕祿  
宜給本俸以終餘年  
在員外  
臧榮緒晉書張天錫字公

謝玄等大破苻軍於陣歸  
擢登常伯之列飾以貂璫之

輝顧凱之拜員外散騎常侍表云不悟陛下  
聖恩所加擢登常伯之列飾以貂璫之輝  
貌類太宗

檀道鸞續晉陽秋吳隱之為員外散騎常侍領大著作  
初議以為黃門侍郎而隱之貌類太宗上不忍視故改

馬並驅鹵簿  
梁朱异為員外常侍侍中領軍中書  
舍人四職並驅鹵簿近代未之有也  
尚書

南座無貂  
賀琛字國寶遷員外散騎常侍  
舊尚書南座無貂自琛始也

### 散騎常侍

割肉歸遺細君  
前漢東方朔為常侍郎伏日詔賜從官  
肉大官丞日晏不來朔獨拔劍割肉謂

其同官曰伏當早歸請受賜即懷肉去大官奏之朔入  
上曰昨賜肉不待詔以劍割肉而去之何也朔免冠謝  
上曰先生起自賁也朔再拜曰朔來受賜不待詔何無  
禮也拔劍割肉一何壯也割之不多又何廉也歸道細  
君又何仁也上笑曰使先生自責乃反

**宗室謹重**

魏志曹爽

字伯昭以宗室謹重明帝在東宮

**機捷談笑有父風**

鍾毓

甚見親愛及即位為散騎常侍

字雅叔年十四為散騎侍郎機捷談笑有父風太  
和初蜀相諸葛亮圍祁山明帝欲親征毓上疏諫止

**羣書作皇覽**

劉劭字孔才為散騎侍郎集羣書作皇覽

**阿九**

魏畧孟康以邪后外屬恩寵特

踰於常遂轉散騎侍郎是時散騎皆多貴子弟或以高  
才儒英充其選而康獨綠嬪嬙嬙雜在其間故時皆輕之  
不復呼其姓

**選親舊文武之才**

桓氏家傳延康元年初置散騎之官皆選親舊

文武之才以賓宴之臣上少有名望吳錄顧曷少有名望為散騎侍郎

俱有美稱王洽導諸子中最知名與潁川荀羨俱有美稱弱冠除散騎侍郎倣儻高雋

籠蓋當時却起字景興少而卓犖不羈有曠世之度倣儻高雋籠蓋當世除散騎侍郎撰正

音訓徐邈字先民遷散騎侍郎居西省嘗撰正音訓前後十年多所補益使不辱命晉陽秋王

彼使不辱命擢拜散騎侍郎紀業彼字疑有悞張華請觀馮恢干寶晉紀處士馮恢至行過人

以為散騎侍郎恢至上謂張華定何人也華曰臣請觀之若不見臣上也見而有傲世之容次也敬為賓客者

因俗士也及革至恢待視酒壚雖近邈若山河臧榮緒晉書向

秀為散騎侍郎公使乘輅車經昔與程阮共遊酒壚前過乃嘆曰吾昔與程康阮籍屢遊此壚自程生及阮公

沒吾便為時所羈紲今日視此雖近邈若山河也

與尚書共論

華嶠譜叙華歆有三子表字偉

容年二十餘為散騎侍郎時同察諸郎共平尚書事年少並勵鋒氣要名譽尚書事至或有不便故遺漏不視及傳書者即深文論駁唯表不然事有不便輒與尚書共論盡其意王者固執不得已然後共奏

通直散騎侍郎

年三十起家

晉中興書都墨年三十起家拜通直散騎侍郎

三儁共掌帝儀

李瑾

美容貌有文才遷通直散騎侍郎與黃門王遵業尚書郎盧觀典修儀注臨淮王彧謂瑾等三儁共掌帝儀可謂勇甥之國

王盧瑾外兄

員外散騎侍郎

在員外

晉起居注大興四年詔令以前司空從事中郎盧諶為散騎侍郎在員外

簡其才中

興書符堅青州刺史符朗降烈宗詔曰朗洞明逆順望風歸化既嘉此識亦簡其才可員外散騎侍郎置無員

清華所不為

郗嘉猷永明元年為御史中丞車駕幸丹陽郡宴飲為持舊酒後狎侮同列謂庾杲之

曰蠢爾荆蠻其俗鄙復謂虞怛曰斷髮文身其風陋王

晏既責雅步從容又問曰王散騎復何故爾晏先為國

常侍轉員外散騎侍郎此二

忠誠義烈

晉起居注載建武元年今日前

職清華所不為故以此嘲之

侍東宮

永昌元年詔以新立世子王悅為員外散

騎侍郎 顯侍帷幄

謝安表云 此下原本有缺

左諫議大夫

前漢百官表郎中令秦官屬官有大夫大夫掌論議有  
太中大夫諫大夫皆無員多至數十人武帝元狩五年  
初置諫大夫秩比八百石

後漢百官志諫議大夫六百石本注曰無員

胡廣曰光祿大夫本

為中大夫武帝元狩五年置諫大夫為光祿大夫世祖  
中興以為諫議大夫又有太中大夫中散大夫此四等  
於古皆為天子之下大夫視  
列國之上卿漢官曰三十人

後魏亦置諫議大夫

隋百官志後齊集書省有諫議大夫七人後周地官府



有保民下大夫規諫於天子蓋此其任也武成三年初置太子諫議大夫四員隋門下省有諫議大夫七人煬帝廢之

唐百官志門下省左諫議大夫四人正四品下掌諫諭得失侍從贊相武后垂拱二年有魚保宗者上書請置匭以受四方之書乃鑄銅匭四塗以方色列於朝堂青匭曰延恩在東告養人勸農之事者投之丹匭曰詔諫在南論時政得失者投之白匭曰申寃在西陳抑屈者

投之黑匭曰通玄在北告人祕謀者投之以諫議大夫  
補闕拾遺一人充使知匭事御史中丞侍御史一人為  
理匭使其後同為一匭天寶九載玄宗以匭聲近鬼改  
理匭使為獻納使至德元年復舊寶應元年命中書門  
下擇正直清白官一人知匭以給事中中書舍人為理  
匭使建中二年以御史中丞一人議大夫一人為知匭  
使投匭者先驗副本開成三年知匭使李中敏以為非  
所以廣聰明而慮幽枉也乃奏罷驗副封

武德元年置  
諫議大夫龍

朔二年曰正諫議大夫貞元四年分左右

中書省右諫議大夫四人掌如門

下省貞觀初以給事中諫議大夫兼知起居注或知起

居事

六典諫議大夫四人正五品上

貞元四年置八人四人隸門下為左會昌元年

中書奏隋於門下省置諫議大夫七員從四品下今正五品上自大厯二年門下中書省侍郎升為正三品兩省遂闕四官其諫議大夫望升為四品下分為左右以備兩省四品之闕掌侍從贊相規諫

諷諭凡有五 一曰諷諫

風之以言 二曰順諫

謂知其有所不可不敢逆而諫

之則順其君之所欲以微動之

三曰規諫

陳其規諫而正其事

四曰致諫

致物以明其意

五曰直諫

直言君之過失

五代百官志周顯德五年六月勅諫議大夫置依舊正五品上仍班在給事中之下按唐六典諫議大夫四員正五品上皆隸門下省班在給事中之下至會昌二年中書門下奏升為正四品下仍分為左右以備兩省四品之闕故班亦升在給事中之上近朝自諫議大夫拜給事中者官雖叙遷位則降等至是以其遷次不備故改正焉

國朝大中祥符元年令右諫議大夫知制誥錢惟演立位在孫僅之下知制誥班序以先後不得以官至是以

諫議大夫班在中書舍人上故申明之

給事中以下皆無員不專職本

省之務分任之中外為位

元祐令左右諫議大夫從四品

為聖主得賢臣頌

前漢王褒字子淵益州刺史王褒欲宣風化於眾庶聞褒有俊才請與相見使

褒作中和樂職宣布詩選好事者令依鹿鳴之聲習而歌之時何武為童子選在歌中武歌于太學宣帝召見武曰此威德之事吾何足以當之益州刺史因奏言褒有軼才上乃徵褒既至詔褒為聖主得賢臣頌擢為諫議

大娛侍朝夕

褒為諫議大夫始上頗好神仙褒從遊獵所幸宮館輒為歌頌議者多以為淫靡不

急上曰不有博奕者乎為之猶賢乎已權拜諫議大夫太子不安忽忽善忘詔褒等往太子宮娛侍朝夕誦讀

奇文及所自造太子喜褒甘泉洞蕭頌令左右誦之

上以其言迂濶不甚寵異吉

字子顛為諫議大夫時宣帝頗修武帝故事宮室車服盛於昭帝時外戚許氏王氏貴寵而上躬親政事任用

能吏吉上疏言得失上以其言迂濶不甚寵異吉遂謝病歸

虛已問政事

貢禹字少翁元帝徵

為諫議大夫數虛已問政事時歲不登郡國多困禹奏言宮室有制宜從儉從之

秩八百石禹

書曰陛下過意徵臣拜為諫議大夫秩八百石奉月九千二百廩食太官又蒙賜賞四時雜繒絮衣服酒食諸

果物德甚厚

捕繫掖庭秘獄

劉輔以美才推為諫大夫會成帝欲立趙飛燕為后輔上書曰

陛下乃觸情縱欲傾以卑賤以母天下乎里語曰腐木不可以為柱卑人不可以為主臣自念得以同姓拔擢尸祿不忠污辱諍之官不敢不盡死書奏捕繫旋庭秘獄於是左將軍辛慶忌等俱上書曰竊見諫大夫劉輔前以縣令見擢為大夫其言必有切至當聖心者故得拔至於此旬日之間收下秘獄行慘急之誅摧諫議之官震辱下失忠直心於是滅

### 舉止方正

孔光字子文經學尤明舉

止方正為

### 賢良方正

何武字君公太僕王音舉武諫大夫

### 耆老

### 久次

揚雄奏羽獵賦除為郎給事黃門以耆老久次轉為大夫好古學道甄豐父子劉棻為莽所誅雄時

校書天祿閣使者欲收雄雄投閣垂死詔勿問京師之語曰惟寂惟寞自投於閣以病免復召為大夫家貧嗜酒人希至其門有好事者載酒與肴從遊學

### 賢者宜駕

兩龔皆楚人也勝字君賓舍字君倩二人

相並著名節故世謂之楚兩龔少皆好學明經勝為郡  
吏三舉孝廉哀帝時大司空何武執金吾闕崇薦勝徵  
為諫大夫引見勝薦龔舍及壽壽人侯嘉有詔皆徵勝  
曰竊見國家徵醫巫尚為駕徵賢者宜駕上曰大夫乘  
私車來耶勝曰  
唯有詔為駕

### 上書言七亡七死

鮑宣為諫大夫哀帝  
時丁傅子弟並進董

賢貴幸宣上書諫曰竊見孝成皇帝時外親持權人  
牽引所私以充塞朝廷亡有大儒骨鯁白首著艾畦壘  
之士論議通古今喟然動衆心憂國如飢渴者臣未見  
也救外親小童及幸臣董賢等在公門省戶下羣小日  
進國家空虛用度不足民流亡去城郭賊盜並起吏為  
殘賊歲增於前凡民有七亡陰陽不和水旱為災一亡  
也縣官重責更賦租稅二亡也貪吏並公受取不遺三  
亡也豪強大姓蚕食無厭四亡也苛吏絲役失農桑時  
五亡也部落鼓鳴男女遮道六亡也盜賊剽掠取民財  
物七亡也七亡尚可又有七死酷吏毆殺一死也治獄



深刻二死也。寃陷無辜三死也。盜賊橫發四死也。怨讟相殘五死也。歲惡饑饉六死也。時氣疾疫七死也。民有七亡而無一得。欲望國安誠難。民有七死而無一生。欲望刑措誠難。此非公卿宰相貪殘成化之所致。耶羣臣幸得專官食重祿。豈有肯加惻隱于細民。助陛下流教化者耶。志俱在營私家。稱賓客為奸利而已。以苟容曲從為賢。以拱默尸祿為知。謂如臣宣等為愚。陛下擢以岩穴。誠冀有益毫毛。豈徒欲使臣美食大官。重高門之地哉。今貧民菜食不厭衣。又穿空父子。夫婦不能相保。誠可酸鼻。陛下不救將安所歸。命乎奈何。獨私養外親於幸臣。董賢及汝昌侯。傅商亡功而封。方陽侯孫寵宜陵侯。息夫躬辯足以移衆。強可用。獨立姦人之雄。惑世尤劇者也。宜以時罷退。急徵大司馬傅喜。使領外親。故大司空何武。師丹。故丞相孔光。故左將軍彭宣。位皆歷三公。可大委任者也。上以宣名儒優容之。乃徵光免孫寵。息夫躬罷侍中。諸黃門郎十餘人。其言少

文多實

宣復為諫大夫每居位常上書諫諍其言少文多實

雅意在本朝

蕭望之累遷諫

議大夫時選博士諫議大夫通政事者補郡國守相以望之為平原太守望之雅意在本朝乃上疏曰陛下哀念百姓悉出諫官以補郡吏所謂憂其末而忘其本者也朝無爭臣則不知過國無達士則不知善願陛下選明經術通於幾微謀慮之士以為內臣與參政事諸侯聞之則知國家納諫憂政亡有闕遺書聞微入守少府

上書求見

龔勝為諫議大夫居諫官數上書求見言百姓貧賤吏多不良風俗漸薄制度太奢刑罰

太深賦斂太重宜以儉約先下其言祖述王吉貢禹之意

以行修飾

劉更生既冠以行修飾擢為諫

大通才蹇正

後漢韋彪字孟達上議曰諫議之職應用公直之士通才蹇正有補益於朝者令或

從微試輩

數有忠言

王良字仲子拜諫議大夫數有忠言以禮進止朝廷敬之

諫西

夷獻幻人

謝承後漢書陳禪字紀山拜諫議大夫永寧中西夷獻幻人能吐火易牛馬頭自支解其

身元日作之禪

數陳謹言

傅翻轉諫大夫數陳謹言上嘉之

犯顏諫諍

虞永字叔朗拜諫議大夫雅性忠譽犯顏諫諍以俸祿賑諸生

賜歸天子思之

江革轉諫議大

夫賜歸天子思之革與母居至孝為母炊不委妻子常

執鹿車載母母卒哭不絕聲服竟不脫太守遣掾釋除

之詔齊相曰諫大夫江革以病臨賜穀千石長吏八月存問致羊酒以終其身

乘高車出關

郭

少從學長安入函谷關慨然曰丹不乘使者車終不出

關既至京師嘗為都講諫議大夫持節賜歸南陽去家

十三年

引弟子升堂執經

革嶠後漢書桓榮遷諫議大夫每大射養老禮畢帝

執命榮及弟子升

恨不列稷契伊周之徒

袁崧漢書劉陶諫大夫靈

堂執經自為辨說

職官分紀

卷三

帝時上疏言天下亂由官豎官豎共讒之詔收黃門北

寺獄陶知必死乃曰臣恨不列稷契伊周之徒而與比

干龍逢為傳事敗乃言絕水退楚國先賢傳陳宣拜諫

悔時何及閉氣而死言絕水退議大夫建武十年洛水

溢出城門校尉欲築塞之宣曰周公卜洛為萬世基水

必不入城門如有災異人主解謝塞之何益况朝廷中

與聖主天下攸歸水必十日不炊子陵為諫議大夫洛

不入言絕而水退也十日不炊有揚雄之才華陽國志九字

陽無主人鄉里無田宅寄有揚雄之才伯仁侍中賈逵

止靈臺中或十日不炊有揚雄之才與夏侯尚並掌軍計魏

薦九有揚雄之才明帝召作東與夏侯尚並掌軍計魏

辟雍德陽諸觀銘拜諫議大夫與夏侯尚並掌軍計賈

逵自為兒童戲常設部伍祖父嘗異之曰汝大必為將

帥也口授兵法數萬言為丞相主簿太祖善之拜諫議

大夫與夏侯尚並掌軍計不喜君得諫議惟喜諫議得君後魏張普

尚並掌軍計不喜君得諫議惟喜諫議得君惠為諫議

尚並掌軍計不喜君得諫議惟喜諫議得君

大夫任城王澄謂普惠曰不喜君得諫議惟喜諫議得君

### 置笏於地

隋劉行本為諫議大夫文帝常

怒一即於殿前答之行本進曰此人素清其過又小不願行本正當上前曰陛下不以臣不肖令臣在左右臣言若是陛下安得不聽臣言若非當致之於理安得輕臣不顧所言非私因置笏於地而退上敕容謝之原所答處不諱之朝

唐太宗嘗謂侍臣曰朕雖不明幸諸公數相匡救諫議大夫王珪曰臣處不諱

之朝竇願整其狂瞽太宗稱善勅自今後中書門下及三品以上入問必諫官隨之欲其與聞政事有所開說

### 諫獵

蘇世長為諫議大夫從幸涇陽校獵大獲禽獸顧謂朝臣曰今日樂乎世長進曰陛下遊獵薄廢萬

幾不滿十旬未為大樂高祖變色既而笑曰狂態發耶世長曰為臣私計則狂為陛下國計則為忠矣

能

### 以瓦為衣必不漏

谷耶律為諫議大夫嘗從太宗出獵在途遇雨因問曰雨衣若為得不漏

耶律曰能以瓦為衣必不漏太宗大悅賜帛三百段

諍臣諫其漸指遂良遷諫謀大夫太宗問舜作漆器間彫其俎當是時諫者十有餘人食器之間苦諫何也遂良曰彫琢害農事纂組妨女工首創奢淫危

亡之漸漆器不已必金為之金器不已必玉為之

**真諫**

所以諍臣諫其漸及其盈滿無所復諫上然之

**議**蕭鈞為諫議大夫時有左武侯別駕盧文恭踰垣盜難原恐天下聞之必謂陛下輕法律賤人命任喜怒貴財物不敢不奏帝謂曰卿職在司諫能盡忠規遂特免

死罪謂侍臣曰**仗下言得失**宋璟吏部侍郎時玄宗嘉其

曰**真諫議也**奉仗下後力**真諫官**李景伯為諫議大夫中宗嘗宴侍

言朝廷得失臣及朝集使令酒酣各為迴文詞眾皆諂言至景伯曰迴波爾時酒危微臣職在箴規侍宴既過三爵諂諛竊恐非儀中宗不悅中書令蕭至忠

稱之曰此真諫官也  
**職在箴規**  
上有諫臣體  
孔戣元和初改諫議大夫侃然忠謹有諫

臣體上疏論時政  
四條帝意嘉納  
**上疏論興元監軍**  
孔敏行元和元年拜諫議大夫上疏

言興元監軍楊叔元陰募卒為亂殺節度使李絳  
人不敢發其事敏行上表極諫諍之故叔元得罪  
**論朝**

**政得失**  
張薦擢諫議大夫方裴延齡用事中傷俊良連白無不當帝意薦為將疏其惡延齡知之言於帝

曰諫議論朝政得失史官書人年  
善惡二者不可兼改紀書少監  
**朝廷有直臣**  
陽城為諫議大

夫德宗時裴延齡以姦佞用事時大臣陸贄等咸遭譴  
毀城乃伏闕上疏與拾遺王仲舒共論延齡姦佞贊等

無罪金吾將軍張萬福年八十聞之往延英門大言賀  
曰朝廷有直臣天下必太平矣萬福自此名重天下

**凌蔑公卿大臣**  
李景儉字寬中遷諫議大夫夫性既矜誕寵擢之後凌蔑公卿大臣使酒既甚貶

建州刺史未幾召還復為諫議大夫景儉朝退與知制誥馮宿楊嗣復舍人溫造員外郎李肇王鎰等同謁史

官獨孤朗乃於史館飲酒景儉乘醉詣中書謁丞相呼王播崔植杜元穎名面疏其失貶漳州刺史是日同飲

於史館者皆敗逐之**乘醉謁宰相上諫免崔發死**張仲方為諫議大夫時鄆縣令

崔發因辱小黃門敬宗赫怒付臺推鞠及元日大赦獨發不得宥仲方上疏其畧曰鴻恩將布於天下而不行

御前霽澤始被於昆蟲而獨遺**人皆想望風采**陽城隱於中條

崔發由是發得不死時論美之山德宗召之乃衣褐赴京遷諫議大夫初未至京師

人皆想望風采及為諫官紛紛言事天子益厭苦之請**先出閣待罪**李渤長慶初為諫議大夫敬宗即位坐朝

外渤出次白宰相曰昨日拜疏陳論今坐蓋晚是諫官嘗晚一日入閣坐不久羣臣候立紫宸門

不能迴人主之意渤之罪也請先出閣待罪於金吾仗



語次換仗乃止張宿布衣諸生也憲宗為廣陵王時出入當以能可否朝政者為之

郊第泊監撫之際擢授左拾遺後上欲以為諫議大夫李逢吉奏曰諫議取要重當以能可否朝政者為之宿

細人不足以污賢者位上延英相見鄭覃為諫議大夫穆宗不恤政事喜

遊宴覃與同職廷奏諫之帝不憚顧宰相蕭俛曰是皆何人俛對曰諫官帝意稍解乃曰朕之闕下能盡規忠

也因詔覃曰閣中奏事殊不從容今後有事面陳朕與卿延英相見時久無閣中奏事覃等抗論人皆相賀

謹言直氣呂元膺字景大遷諫議大夫規駁諫議大舉其職出為同州刺史及中謝上問時政得失

元膺論奏辭氣激切上喜之翌日謂宰相曰呂元膺有讜言直氣宜留在左右使言得失留為給事左右尋兼

太子侍讀伏延英淮南節度使王播厚賂貴要求領鹽鐵使諫議大夫獨孤朗等伏延英疏論之不

**敢異論**

李讓夷字達心拜諫議大夫時起居舍人李廌有痼疾請罷官宰臣李石奏闕官上曰卿可盡

言今諫議大夫姓名遂奏李讓夷馮定孫簡蕭俶帝曰讓夷可也李因欲言用崔球張次宗鄭覃曰崔球遊宗

閣之門赤節下秉筆記注為千古法不可用朋黨如裴中孺李讓夷臣不敢有異論具為人主大臣知重如此

**清慎高亮**

後漢書周舉梁商表為從事中郎商病甚帝問遺言對曰從事中郎周舉清慎高亮可任

**諫議大夫論事有諍臣之風**

唐文宗嘗於便殿召柳公權論事切直忤旨周墀為之惕慄公

權詞氣益堅上徐謂之曰朕知舍人不合却作諫議以卿論事有諍臣之風今擢卿諫議大夫**閣內論**

**校獵**

武宗幸涇陽校獵白鹿原諫議大夫高少逸鄭朗等於閣內論陛下校獵太頻出城稍遠方用兵師

且宜也止帝優勞之諫官出謂宰相**舛觀詣朝堂極諫**  
曰諫議官要朕時聞其言庶幾減過

九國志聞王延義立不恤國事好戈獵誅丞相及宗室  
勳舊左右懼禍諫議大夫黃峻昇槐詣朝堂極諫延義  
曰老輩風狂不足  
怪貶漳州司戶  
諫朝士杖決  
鄭元弼延義襲位授右  
諫議大夫時延義女下

嫁百官不賀延義怒朝士決杖者十有二人元弼為之  
力諫延義曰卿仰魏徵何如人乃諫不止也元弼曰陸

下幸似唐太宗臣方  
魏徵可笑延義解怒  
朕之汲黯  
國朝田錫資骨鯁學士  
承旨宋白舉直言極諫

公對事奏經史中治體之要十三篇真宗  
手詔褒獎常自謂曰田錫朕之汲黯也  
不歷郎中員

外春明退朝錄近世鄭文肅劉丞相張尚書方平王宣  
徽拱辰滕侍讀甫呂給事卿鄧中丞潤文皆不歷郎

中員外而使  
為諫議大夫帶陸  
筆談諫議班在制誥上若帶代制則  
在知制誥下從職也戲語謂之帶陸

## 起居郎

後漢馬皇后撰起居注

後魏始置起居令史每行幸宴會則御左右記錄帝言及賓客酬答後別置起居注二人以它官領之

隋百官志北齊有起居省散騎常侍通直散騎常侍散騎侍郎通直散騎侍郎各一人校書郎各二人後周有外史掌書王言動作之事以為國志即起居之職又有著作二人掌綴國錄則起居著作之任自此分矣隋初以吏部散官及校書正字有敘述之才者掌起居之職

以納言統之煬帝內史省加置起居舍人二人從六品次舍人下

唐百官志門下省起居郎二人從六品下掌錄天子起居法度天子御正殿則郎居左舍人居右有命俯陛下以聽退而書之季終以授史官貞觀中以給事中諫議大夫兼知起居注或知起居事每仗下議事起居郎一人執筆記錄於前史官隨之其後復置起居舍人分侍左右秉筆隨宰相入殿若仗在紫宸內閣則夾香案分

立殿下直第二螭首和墨濡筆皆即均處時號螭頭高  
宗臨朝不決事有司所奏唯辭見而已許敬宗李義府  
為相奏請多畏人之知也命起居舍人對仗承旨仗下  
與百官皆出不復聞機務矣長壽中宰相姚璩建議仗  
下後宰相一人錄軍國政要為時政記月送史館率推  
美讓善事非其實未幾易置而起居郎猶因舊制勅稍  
筆削以廣國史之闕起居舍人居記言之職唯編詔書  
不及他事開元初復詔修史官非供奉者皆隨仗而入

位於起居郎舍人之次及李林甫專權又廢太和九年  
詔入閣日起居郎舍人具紙筆立螭頭下復貞觀故事

有令三人替者六人貞觀三年置起居郎二人廢舍人龍朔二年曰左史天壽元年如之

六典起居郎二人從六品上

起居郎因起居注以為名起居注者記錄人君動止

之事春秋傳曰君舉必書禮云動則左史書之言則右史書之皆其事也宋袁世本云沮誦倉頡為黃帝左右史周書穆王時有左史戎夫書前代存亡之誠諸侯之國亦立之漢武帝有禁中起居注後漢明德皇后撰明帝起居注然則漢時起居注似在宮中為女史之職魏晉以來皆中書著作兼修國史及北齊集書省領起居注今史之從七品上後周春官府置外史掌書言及動作以為國志蓋其任也

令史三人

先置楷書

手令改  
為令史

起居郎掌錄天子之動作法度以修記事之史

凡記事之制以事繫日以日繫月以月繫時以時繫年

必時書其朔日甲乙以紀歷數典禮文物以考制度遷

拜旌賞以勸善誅伐黜免以懲惡季終則授之於國史

馬

漢獻帝及西晉以後諸帝皆有起居注皆史官所錄  
自隋置為職員列為侍臣專掌其事每季為卷以送

付史

館馬

五代百官志後唐同光元年起居郎起居舍人各置一

半



國朝官品令起居郎從六品

記善惡以為鑒誠

唐太宗謂諫議大夫褚遂良曰卿知起居注錄何事大抵人君觀之否對

曰今之起居古左史右史也書人君言事且記善惡以為鑒誠庶幾人主不為非法不聞帝王親自觀史上曰朕有不善卿必書之耶遂良曰守道不如守官臣職當載筆君舉必記

召令侍書

遂良秘書郎遷

起居郎尤工隸書太宗嘗謂侍中魏徵曰虞世南死後無人可以論書徵曰遂良下筆遒勁甚得王逸少體太

宗即日召

罷封禪

遂良為起居郎貞觀中詔有事於泰山先幸洛陽有星孛於太陽徵犯郎

位遂良言於太宗曰陛下撥亂反正功超前烈將告成東岳天下幸甚而行至洛陽彗星輒見此或有所未允合者也且漢武優柔數年始行大禮臣愚伏願詳擇太宗然之下詔罷封禪之事

職當修注

杜正

倫知起居注太宗嘗謂侍臣曰朕每日坐朝欲出一言即思此言於百姓有利益否所以不能多言正倫進曰君舉必書言存於左右史臣職當修起居注不敢不盡愚直陛下若一言乖於道理則千載累於聖德非直當今損於百姓願陛下慎之太宗大悅不敢不盡上執筆所記名為史

鄭朗字有

融為起居郎初太和末風俗稍奢文宗恭勤節儉冀革其風謂宰臣曰朕聞前日內庫唯二錦袍飾以金烏一袍玄宗幸溫陽時御之一與貴妃當時貴重如此如今奢靡豈復貴之料今富家往往皆有左衛副使張元昌用金唾壺昨因申訓已誅之矣時郎執筆螭頭下宰臣退上謂郎曰適所議論御記錄未吾試觀之朗對曰臣執筆所記名為史伏惟故事帝王不敢取觀昔太宗欲覽國史諫諍大夫朱子奢云史官所述不隱善惡或主非上智飾非護失見之則生怨所以義不可觀帝曰適來所記無可否臧見亦何爽乃宣謂宰臣曰鄭朗引故

事不欲朕見起居注夫人君之言善惡必書朕恐平常  
閒語不閱理體垂諸將來竊以為耻異日臨朝庶幾稍  
改何妨一見以識人瑞鄭仁表為起居郎文章俊拔然  
醜言朗遂進之人瑞恃才傲物人士薄之自謂門地  
人物文章具美嘗曰天瑞以婦公辭內職獨孤郁遷起  
有五色雲人瑞有鄭仁表以婦公辭內職居郎權德輿  
作相郁以婦公辭內職憲宗曰德輿乃有此隨宰臣記  
佳壻因詔宰相須氏族之家選尚公主者  
**事**馮定請許左右史隨宰國朝唐詢江東  
臣延英記事宰臣不樂純用科名人轉運使因辭得  
上殿言執政純用科名人修起居注  
非故事未幾修注闕仁宗遂用詢

### 左司諫

唐百官志門下省左補闕六人從七品上掌供奉諷諫

大事廷議小則上封事

職官志左補闕二員從七品上

古無此官天后垂拱元年勅記言書事每切於

旁求補闕拾遺未弘於歷選瞻言共理為藉眾才寄以登賢期之進善宜置左右補闕各二員左右拾遺各二員掌供奉諷諫行立次左右史之下

六典左補闕二人從七品上

皇朝所置言國家有過闕則補正之故以名官焉詩

云衮職有闕惟仲山甫補之蓋取此義後漢伏湛出入禁闈拾遺補闕魏志文帝勅侍臣曰公卿等宜拾朕之遺補朕之闕晉武帝詔曰公卿等宜補闕拾遺獻可替否昔職官志御登殿侍中居左散騎常侍居右備切問近對拾遺補闕後魏孝文帝令侍中李冲補闕左右垂拱中因其義而創立四員左右各二員天授初左右各

三員通前為十員神龍初依舊各置二員  
其才可則登不拘陞叙又置供奉無數  
左補闕拾遺

掌供奉諷諫扈從乘輿凡發令舉事有不便於時不合  
於道大則廷議小則上封若賢良之遺滯於下忠孝之  
不聞於上則條其事狀而薦言之

五代百官志後唐同光元年補闕拾遺各置一半

國朝雍熙五年詔改左右補闕為左右司諫

元祐官品令左右司諫七品

職在諫曹

唐權德輿為左補闕時裴延齡以巧倖判度  
支德輿上疏切諫云臣職左諫曹今採羣議

敢滙肝血 不甚檢束 柳渾天寶初拜監察御史臺中執  
法之地動限儀矩渾性疎放曠不

甚檢束寮長拘局忿其疎縱渾不樂 **握筆草狀** 劉寬夫  
乞求外任執政惜其才奏為左補闕

闕疏陳崑進注維摩經得濠州詔崑不因僧得郡諫官安得  
此言須推排首末來寬夫曰昨論陳崑之時不記發言

前後唯握筆草狀即是微忱若尋究 **諫公主出降行五**

**禮** 施敬本為左補闕開元十二年唐昌公主出降行五  
禮敬本與張烜李銳等上疏竊以紫宸殿者漢之前

殿周之路寢陛下所以負黼衣下黃屋饗萬國朝諸侯

人臣致敬之所猶北極可見不可得而升也昔周女出

降於齊以魯侯為主但有外館之法而無路寢之制今  
欲紫宸殿行禮即當人臣攝行馬入於庭禮升於牖主  
人授几逡巡紫座之間賓使就筵登降赤墀之地又據  
主人辭稱寡君子有事於主人之室言詞借越事理乖

張既瀆威靈深虧典制其問名納采等並請權孜孜獻

於別所玄宗納其言移於光順門外設次行禮孜孜獻

納獨孤郁李正辭嚴休復自拾遺轉補闕及參謝之際

宰相裴均廷語曰獨孤與李二補闕孜孜獻納今之

遷轉可謂酬勞無媿矣嚴補闕官業或異賞一逸人可

於斯時者進擬不無疑緩休復悚恐而退

勸天下

國朝真宗咸平五年終南山處士种放對於便殿上親撫勞命坐語久之館於都亭驛尋授左

司諫直昭文館上謂宰臣曰放召對來詢以民事則曰

徐而化之間以邊事則不對但言愛民而已久之言所

有獻納俟形於章疏然亦有就祿之意且曰跡孤朕喻

以俟升班列必見朝廷清肅排擯之事無敢為者賞一

逸人可出自宸選明道中執政除其親舊二人為正言

勸天下自宸選今不可壞他祖宗法度若臺諫官是大臣自除

則大臣過失無敢言者執政惶恐稱死罪悻汗浹背

父為宰相子為諫官

唐元和元年杜從郁徙為左補闕  
韋貫之與崔羣奏論尋降為左拾

遺遺補雖資品不同皆是諫官父為宰相子為  
諫官若政有得失不可使子論父政為秘書丞 詔中書

為之辭

文宗以魏謩為補闕上嘗言於宰相曰太宗得  
徵參禪闕失弼成聖政我今得謩於宰相曰太宗得

必能極諫雖不敢希及貞觀之政庶幾處於無  
過之地命授謩左補闕於狀內備述諫疏激切  
褒曰遺補官秩  
雖卑下侍臣也 車載 見拾遺門  
斗量注下

左拾遺

唐百官志左拾遺六人從八品上

學同  
補闕

職官志左拾遺二員從八品上

見補  
闕



五代史

見補闕

六典左拾遺二人從八品上

皇朝所置言國家有遺事拾而論之漢汲黯願為中

郎署長出入禁闥補闕拾遺元帝初立給事中劉向侍中金敞拾遺於左右續漢書張衡為侍中從容諷議拾遺左右後魏初置內侍長主拾遺應對又孝文帝命侍中丘惟拾遺左右創立四員

國朝雍熙五年改左右拾遺為左右正言

元祐令左右正言從七品

秩卑選重

唐白居易上疏云蒙恩授臣左拾遺依前翰林學士謹按六典云其選甚重其秩甚卑

所以然者抑有由也大凡人之情位高則惜其位身貴則愛其身惜位則偷合而不言愛身則苟容而不諫此

必然之理也故拾遺之置所以卑秩者使位未足惜身未足愛也所以重其選者使下不忍負心上不忍負恩也位未足惜身未足愛然後能有闕必規有違必諫朝廷得失無不察天下利病無不言此國朝置拾遺之本也

**意身是諫官月請諫紙**

居易與元稹書云僕在翰林日身是諫官月請諫紙啟奏之外

有可以濟救人病禪補時闕難於摘言輒歌詠之欲稍聞於上志未就而悔已生言未聞而諂已成矣

**人命蹇**

又書云古人云名者公器不可以多取僕是何者竊時之名已多既竊時之名又欲竊時之富

貴使已為造物者肯兼與之乎况詩人命蹇如陳子昂杜甫各授一拾遺屯剝至死

**額叩龍墀**

劉

楚為拾遺敬宗即位改遊稍多坐朝常晚廝楚出班以額叩龍墀苦諫云臣忝諫官致陛下有此請碎首以謝遂以額叩龍墀久之不已宰臣李逢吉出位宣曰劉廝楚休叩頭候進止廝楚捧首而起因更陳論搃頭見血

上為動容以袖連揮令出栢楚又云不可臣奏臣即碎首死牛僧孺復宣示而出敬宗為之動容無何遷起居

郎擢自草澤

竇羣隱居毗陵以節槩聞著書三十四卷號史記名臣疏貞元中蘇州刺史韋夏卿

以園丘茂異薦兼獻其書不報復薦羣召拜左拾遺遷侍御史充入蕃使判官羣因入對奏曰陛下即位二十年始自草澤擢臣為拾遺是難其進也今陛下以二十年難進之臣用為和蕃判官一何易也德宗異其言留之復為

諫沉香亭子

李漢為左拾遺敬宗始治宮室波斯賈人李鱗沙獻沉香亭子漢乃

上疏論之曰若以沉香為亭子即與瑤臺瓊室事同又奏近日除搜不由中書擬議多是宣出施行臣恐自此紀綱大壞姦邪恣行願陛下各勅諫觀脯樂  
嚴挺之為有司稍存典故坐言忤出為從事  
左拾遺先天二年睿宗詔三日三夜御安福門觀脯樂挺之上疏四不可云云伏望晝則歡娛暮令休息要令兼夜恐無

益聖朝 諫除授不由中書 薛廷老寶歷初與舒元褒李乃止 漢俱為拾遺在閣內言臣伏

見近日除授往往不由中書進擬或是宣出臣恐自此紀綱浸壞姦邪恣行乞聖恩詳察帝厲聲曰更有何事元褒進曰陛下近日修造太多帝色變曰何處修造元褒俯首不能對廷老奏曰臣等是諫官有所聞即合奏論亦豈知陛下修造之所但見搬運瓦木絕多即知修造不已伏乞稍留聖慮帝曰如所奏然後各復位 論

### 中丞溫造凌供奉官

太和三年左拾遺舒元褒等論中丞溫造凌供奉官事今月四日左

補闕孝廉仲與溫造街中相逢造怒不迴避遂擒拿虞仲祇人答其背者臣謹按國朝政事供奉官街中除宰相外無所迴避今溫造蔑朝廷故典凌陛下近臣恣行胸臆曾無畏避伏以事有雖小而闕理分者即不可失也理分既失亂由之生拾遺補闕官秩雖卑乃陛下近臣也中丞雖高乃法吏也侍臣見凌是不廣敬法吏壞

法何以持繩前時中書舍人李虞仲與造相逢造乃曳  
立引馬知制誥崔咸與造相逢又捉其從人當時罷不  
上聞所以強暴益甚臣等又聞元和長慶中丞行李  
不過半坊今乃遠至兩坊謂之籠街喝道但以尊崇自  
處不思僭擬之嫌陛下若不因此特有懲革伏恐從此  
供奉官輩便須迴避中丞累朝制度失自陛下臣等官  
忝諫列實為陛下惜之又聞近日以來應合有導從官  
手力多者街衢之中行禮太過自今傳呼前後不得過  
三百

**獻大像閣賦**

許景先神龍初為夏陽尉東都起聖善寺報慈閣景先詣闕獻大像閣賦

詞甚美麗

**擢左拾遺不數年出將入相**

蕭嵩為左拾遺常與布衣張鎬為友館而禮之表薦

鎬曰如鎬者用之則為王者師不用則幽谷一吏耳玄宗擢鎬拾遺不數年出將入相

**堪為諫諍**

**之官**

李邕少知名長安初內史李嶠御史張廷珪並薦邕詞高行直堪為諫諍之官由是召拜為左拾遺

三諫不聽

徐仁紀拜左拾遺三上書論得失不納謂人曰三諫不聽可去矣遂托疾歸鄉里

柳

篋子

柳璨遷左拾遺公朝野托為篋子時譽日洽以其博與目為柳篋子

斗量

天授三年舉人

無賢愚咸加擢用頗為濫雜諺誦曰補闕連車載拾遺平斗量把推侍御史梳脫校書郎 諫迎軒轅

先生

宣宗大中十一年右補闕葉峻左拾遺王諧右拾遺薛廷傑上疏諫遣中使往羅浮山迎軒轅先生

詔云云柳等位當列職論在

團句把麻

通事舍人宣詔舊令拾遺團句

把麻者蓋謁者不知書多失句度故用拾遺低聲摘句以取及呂溫為拾遺被喚把麻不肯去遂成故事拾遺

不把麻自呂始也時柳宗元戲言 即日疏論諫職 元稹

自校書郎應制舉才識兼茂明於體用登科第者十八人稹第一制下除左拾遺稹性鋒銳見事風生既居諫

垣不欲碌碌自滯事無不言即日疏論諫職

### 諫營興泰宮

盧蒧用為左拾遺則天將營興泰宮

於萬安山蒧用諫曰竊讀書見自古帝王之迹矣聞土階三尺菲茨不剪者唐堯之德也卑宮室菲飲食盡力於溝洫者大禹之行也惜中人十家之產而罷露臺之制者漢文之明也並能垂名無疆為帝王之烈今陛下崇臺邃宇離宮別館亦已多矣更窮人力以事土木臣恐議者以陛下為不愛人務奉己者

### 諫為公

### 主廣第宅

辛替否為左拾遺景龍中安樂公主府所補官屬多非其才中宗為公主廣第宅替否諫

曰臣聞王者牧黎庶建百官莫不慎器與名畏怨重禍不激詭以求進不貨賄以求榮公侯伯子男五等各以功為先後卿大夫士九品各以德為次第伏惟陛下倍百行賞倍十增官金銀不供其仰束帛不充於錫何愧於無用之臣何慚於無力之士於公府補授罕存推擇臣聞禍生有胎福生有基伏惟公主陛下之愛女選賢

良以嫁之設官職以補之傾府庫以賜之壯宅第以居之廣池臺以嬉之可謂至憐也然而用不合於古義行不根於人心將恐變貴成憎翻福為禍何所恃乎

**文價益重**

五代史王祐文傲唐同光初與桑維

翰同年登第拜左拾遺維翰入相祐文以同門生裁書自陳維翰奇之禮待甚厚自是文價益重

**書命**

**有元和之風**

案此條原本缺注

**諫院**

國朝舊常以省官二員判院事其員有左右諫議大夫

司諫正言天禧元年詔別置院

慶歷三年知制誥田况言有唐兩省自諫議大夫至拾



遺補闕共二十人每宰相奏事諫官隨而入有所闕失  
即時規正其實皆中書門下之屬官也今諫議大夫無  
復職業自司諫正言知諫院皆遺補之任而朝廷責其  
言如大夫之職而地勢不親位序不正在朝廷間則與  
衆人同進退非所以顯而異其分也今筦庫冗散之吏  
尚赴內朝豈諫諍之臣不得日奉朝請臣在諫院每聞  
一事皆取諸采問比及論列或至後時今若令諫官得  
奉內朝則可以日聞朝廷之事矣兼王素歐陽修蔡襄

皆以它官知諫院居兩省之職而不得預其列於體未便欲乞今後綴小兩省班次所貴名體相稱副陛下選求之意詔今後比直龍圖閣及修起居注例令每日赴內朝

四年詔自今諫官毋得用見任輔臣所薦之人十一月詔始如先朝置諫官六員

至和二年詔臺官不許相率上殿

熙寧八年同知諫院范百祿言近令諫官綴左右兩班

序立仗續准御史臺閔報令臣歸本官班序立仗謀其  
政者必在其位今修起居注行起居舍人起居郎事直  
舍人院行中書舍人事同知諫院行司諫正言事者也  
國朝兩省官不必正員苟行其事必立其班所以明職  
分而勤官守也今修起居注直舍人院則綴小兩省班  
同知諫院則絀而不與非明職分勤官守之意詔特令  
綴小兩省班

置印

唐文宗太和年置諫院印相惜諫官以章疏之故憂患畧同臺中則務糾彈舉省中多士旨趣

不一故言遺補相惜

**減郎位進奉恩澤**

國朝嘉祐八年知諫院司馬光

御史相憎郎官相輕  
奏諸路進賀登極表至京師朝廷一例推恩乃至班行  
幕職權知州軍或所遣之人非親人者除齋郎及差遣  
使殿侍此蓋國初承五代姑息藩鎮之弊後來因循不  
能釐正國家爵祿本待天下賢才及有功效之人今使  
此等無故受官誠為太濫况近年官吏繁冗十倍於國  
初之時若五服內親者或乞等第授一官其無服屬並  
量賜金  
**奏事近侍立兩廡**  
治平元年以同知諫院呂誨奏先帝朝兩府及臺諫官奏  
對即左右近侍皆引避於兩廡故得從容論議  
事無泄於外者臣請登對時近侍皆引避從之

### 起居院

國朝初置但閔勅送史館不復撰集

淳化五年諫議大夫史館修撰張泌言乞置起居院復左右史之職修集記錄以為起居注每月與時政記同送史館遂徙置院於禁中自後授者為同修起居注增置楷書二人月給公用錢十千表紙五百番凡宣徽院客省四方館閣門御前忠佐引見司制置進貢辭謝游幸宴會賜賚恩澤之事五日一報翰林麻制德音詔書勅榜該沿革制置者門下中書省封冊誥命進奏院四方官吏風俗善惡祥瑞孝子順孫義夫節婦殊異之事

禮賓院諸番職貢宴勞賜賚之事並十日一報吏部文  
臣除拜銓選沿革兵部武臣除授司封封建考功謚議  
行狀戶部土貢旌表州縣廢置刑部法令沿革禮部祥  
瑞貢舉祠部祭祀奏日道釋條制太常雅樂沿革禮院  
禮儀制撰吉凶儀注司天風雲氣候祥異證驗宗正皇  
屬封建出降宗廟祭享制度大理寺刑律起請並一月  
一報內外鹽鐵金穀增耗度支經費出納戶部版圖升  
降歲終一報內外臣寮上章利害詞采可賞事理可行

者中書具章表封下海季編達史館以起居舍人史館  
修撰梁周翰掌起居郎事秘書丞直昭文館李宗諤掌  
起居舍人事

四月梁周翰等上言謹按記曰天子動則左史書之言  
則右史書之又曰左史記事右史記言春秋傳曰君舉  
必書言者尚書是也事者春秋是也漢武帝有禁中起  
居注自魏至晉起居之職歸於著作其後亦命近臣主  
掌其事至後魏始置起居令史每行幸宴會則在御座

左右記錄帝言及賓客酬答之語後又別置起居注二人北齊有起居省隋置起居舍人二人以掌內史唐起居之官隸門下顯慶中郎與舍人分屬兩省每皇帝御殿左右史夾香案分於殿下螭頭之側和墨濡翰皆就螭首之坳處有命則臨陛俯聽對而書之凡典禮文物冊命啟奏臣寮薨免懲惡勸善之事悉載於起居注季終則授於史官以俟筆削長壽中宰相姚瑋以為帝王謨訓不可使無紀述若不宣白宰相史官無由而書遂



表請仗下所言軍國政要命宰相一人專知撰錄季終  
撰授於史官即今修時政記是也元和十二年詔每遇  
坐日如事有可備勸戒合記日者委其日承旨宰相宣  
示左右起居令其記錄仍依舊例季終送史館太和九  
年詔郎舍人准故事入閣日齎紙筆立於螭頭以記言  
動伏乞今後應有崇德長春殿每皇帝宣諭之言侍臣  
論列之事依舊中書編為時政記月終送史館其樞密  
院事關機密亦乞命本院逐月具合書事件實封送史

館自餘百司凡干封拜除改沿革制置之事並乞依臣等所請特降勅命具條件關報起居院每月具所編錄封送史館從之仍令郎舍人下直於崇政殿以記言動別為起居注以付史官周翰等又言每月起居注願先以進御後付史館起居注進御自周翰等始也至道二年李昉拜平章事加監修國史建議復時政記故事時政記月終送史館昉以進御而後付有司時政記進御自昉始也大中祥符八年移院於右掖門外之西廊時

禁城火故徙於外元祐三年復徙右掖門之內

至和元年知制誥賈黯言每邇英閣召侍臣講讀經史其咨訪之際動關政體而史臣不得預聞臣竊惜之欲乞令修起居注入侍閣中事有可書隨即記錄從之治平二年以實錄院檢討官集賢校理宋敏求諸王府記室參軍直集賢院韓維並同修起居注初修注直闕中書進敏求及集賢校理楊繪英宗問修起居注選何等

人宰臣對曰例以制科進士高等與館職有才望者兼

用楊繪皇祐五年第二人進士今以次當補帝曰修起居注即知制誥豈宜以次補乃命易之

熙寧四年詔諫官兼修起居注者因後殿侍立亦許奏事從張琥之請也

浮薄

治平三年以同修起居注章銜知汝州以諫官御史薛家劉庠莫申等言其浮薄故黜之

典儀贊者

唐六典典儀二人從九品下

周禮秋官有司儀蓋其任也齊職儀云東宮殿中將

單屬官有導客局置典儀錄事一人掌朝會之事史闕其品秩梁有典儀之職未詳何曾之官掌唱警唱奏之

事宋服武冠陳亦有之後魏置典儀監從第五品史闕  
其員及所掌皇朝置典儀二人隸門下省初用人皆輕  
至貞觀末李義府為之自後常贊者十二人隋太常寺  
用士人頡贊者以知贊唱之節  
六人鴻臚寺有十二人皇朝因之隸門下省  
掌贊唱為行事之節分番上下亦謂之番官典儀掌殿  
上贊唱之節及設殿庭版位之次若元正冬至凡大朝  
至而起皆傳贊會王公升殿既坐酒  
唱而為之節若國有大禮侍中行事及進中嚴外辦  
之版皆贊相焉

國朝大朝會則遣官攝事

城門郎

門僕

唐六典城門郎四人從六品下

周禮地官有司門下大夫二人上士四人蓋城

門郎之任也初漢置城門校尉員一人秩二千石掌城門屯兵有司馬及丞各一人十二城門候各一人出從緹騎一百二十人蓋兼監門將軍之職魏因之晉氏品第四秩二千石銀章青綬絳朝服武冠佩水蒼玉元帝省之宋齊但以衛尉掌宮城屯兵及管鑰之事梁陳二代依秦漢以光祿卿掌宮殿門戶亦無城門之職後魏置城門校尉三品下太和末第四品上北齊衛尉寺統城門寺置城門校尉二人第四品上掌宮殿城門并諸倉庫管鑰之事後周地官府置宮門中士一人下士一人掌皇城五門之禁令又置城門中士一人下士一人掌皇城十二門之禁令皆其任也隋氏門下省統城門局校尉二人從四品下煬帝三年又隸殿內省十二年又減一人降為正五品後又改校尉為城門郎置四人從六品又隸門下省皇朝因之

門僕八百

人按晉光祿勳左中郎將有崇禮等門僕各二人隋有太廟郊社門僕皇朝城門郎置門僕分番上下掌送

管鑰城門郎掌京城皇城宮殿諸門開闔之節奉其管鑰

而出納之

明德等門為京城門朱雀等門為皇城門承天等門為宮城門嘉德等門為宮門太極等

門為殿門道內等門並同上閣門東都諸門准此

開則先外而後內闔則先內

而後外所以重中禁尊皇居也候其晨昏擊鼓之節而

啟閉之

承天門擊晚鼓聽擊鐘後一刻鼓聲絕皇城門開第一擊聲絕宮城門及左右延明乾化門

開第二擊聲絕宮殿門開夜第一擊聲絕宮殿門閉第二擊聲絕宮殿門及左右延明門皇城門閉其

京城開閉與皇城門同初承天門擊鼓皆聽漏刻契至乃擊待漏刻所牌到鼓聲乃絕

凡皇城宮

城闔門之鑰先酉而出後戌而入開門之鑰後丑而出  
夜盡而入京城闔門之鑰後申而出先子而入開門之  
鑰後子而出先卯而入若非其時而出有命啟閉則詣  
閤覆奉奉旨合符而開闔之凡車駕巡幸所詣之所計  
其應啟閉者先發而請其管鑰及至即開闔如京城之  
制

國朝大朝會則城門即遷官攝事

符寶郎

主寶

主符

主節



唐六符典寶郎四人從六品上

周禮地官有司掌節春官又有典瑞并其任也自漢

以來唯旌節稱節餘皆號符馬寶即璽也秦為符璽令史記云始皇出遊會稽丞相李斯中車府令趙高從趙兼行符璽令事是也漢因秦置符節令丞屬少府漢官云秩四百石漢書云昭帝幼冲霍光秉政殿中夜驚光召符璽郎取璽郎不與光奪之郎按劍曰臣頭可得璽不可得光壯之增秩二等後漢別為一臺亦屬少府置符璽令一人為臺率主符節事凡遣使掌授節領尚符璽郎中四人兩漢皆傳秦六璽及傳國璽魏符節令位次御史丞晉武太始元年省并蘭臺置符節御史宋因之齊置主璽令史於蘭臺以侍書御史領之梁陳御史臺并置符節令史後魏御史臺置符節令領符丞郎中初從第四品中太和末從六品上北齊御史臺領符節署令一人領符節郎中四人後周天官府置主璽下士四人分掌神璽傳國璽與六璽之藏隋初門下省統六

局符璽局置監二人正第六品上直長四人從七品上  
煬帝三年改為郎從第六品皇朝因之置符璽郎四人  
則天更名符寶郎受命及神璽等八璽文并琢為齋字  
神龍初復為符璽郎開元初改為符寶郎從璽文也

### 主寶六人

寶即璽也周書曰湯放桀大會諸侯取天子  
之璽置天子之座右者印璽二名尊卑共之

諸侯大夫印亦稱璽春秋左傳曰季武子使季冶問璽  
書追而與之是也主寶掌之分番上下亦謂之番官

### 主符三十人

漢文帝初與郡守為竹使符第一至第五  
以代周之鎮圭徵兵為銅獸符第一至第五

五以代周之牙璋各分半右留京師左以與之皆符合  
為信六國時魏公子無忌竊兵符橋命殺晉鄙則六國  
亦有之後漢太守郡尉初除與璽書及發兵亦與璽書  
或與詔書奸偽刻造無由驗知至順帝以此制煩擾但  
召符節令發銅獸竹使符璽歷魏晉宋齊梁趙陳皆用  
之後魏有傳符歷北齊隋皆用之武德初為銀莧符後

改為魚符又有傳符主符掌  
之分番下上亦謂之番官

主節十八人

掌守藩節並分番上下謂之番官

符寶郎掌天子之八寶

及國之符節辨其所用有事則請於內既事則奉而藏  
之八寶一曰神寶所以承百王鎮萬國二曰受命寶所

以修封禮禪神祇

徐令言王璽記曰玉璽者傳國璽也秦始皇取藍田玉刻而為之其文李

斯所製面文曰受命於天既壽永昌璽上隱起為盪龍  
文文曰受天之命皇帝壽昌秦滅傳漢歷王莽為元后  
投之於地遂一角缺莽既滅校尉公宥就叔璽綬詣更  
始於宛更始取以璽歸劉盆子盆子降面縛上璽綬光  
武光武祠於高廟受傳國璽至靈帝崩少帝失位掌璽  
者投於井中為孫堅所得袁術拘其妻而奪之術死荆

州刺史徐繆得其璽還許上之漢滅傳魏至晉懷帝璽  
沒於劉聰聰死劉曜得之又傳於石勒石季龍冉閔石  
季龍磨其隱起之文又刻其傍為文曰天命石氏後冉  
閔敗其將蔣幹求救於晉遂以璽送建業永和八年也  
歷東晉宋齊梁侯景竊位為景所得景敗偽將侯子監  
盜璽走江東侯追兵至投諸佛寺為栖霞寺僧永得之  
陳永定二年僧永死弟子普智奉獻陳亡璽傳於隋其  
璽方六寸厚一寸七分高四寸六分螭龍隱起文字巧  
妙一與傳國璽同形自晉至梁相傳謂之鎮璽及侯景  
敗送於齊文宣齊亡入周周傳於隋文帝初亦謂之傳  
國璽開皇二年改為受命璽至開皇九年  
江南得真傳國璽乃改前所得者名神璽

三曰皇帝行

寶峇疏於王公則用之四曰皇帝之寶旁采勳賢則用  
之五曰皇帝信寶徵召臣下則用之六曰天子行寶峇

四夷書則用之七曰天子之寶慰撫蠻夷則用之八曰

天子信寶發蕃國兵則用之

漢舊儀曰天子有六璽皆白玉螭獸紐文曰皇帝行

璽皇帝之璽皇帝信璽天子行璽天子之璽天子信璽  
虞喜志林曰所封事異故文字不同漢儀又云以皇帝  
行璽為凡雜以皇帝之璽賜諸侯王書以皇帝信璽發  
兵其微大臣以天子行璽外國事以天子之璽鬼神事  
以天子信璽皆以武都紫泥封者布囊白素裹兩端縫  
尺一版中約署有事及發外國兵用天子信璽封拜外  
國及徵召用天子行璽賜肉奴單于外國王書用天子  
之璽下竹使符徵召大事行州郡國者用皇帝信璽諸  
下同獸符發郡國兵用皇帝之璽封拜王公以下遣使  
就授皆用皇帝行璽若車駕行幸以直侍中佩信璽行  
璽以從天子之信古曰璽今曰寶其用以玉其  
封以泥皇后及太子之信曰寶其用以金也

凡大朝

會則奉寶以進於御前車駕行幸則奉寶以從於黃鉞

之內

今无正朝會則進神寶及受命寶若行幸則合八寶為五筆函錄封盛以從行在

凡國有

大事則出納符節辨其左右之異藏其左以頒其右以

合中外之契焉一曰銅魚符所以起軍旅易守長

兩京留守

若諸州軍折衝府諸處提兵鎮守之所及宮總監皆給銅魚符也

二曰傳符所以給郵

驛道制命

兩京留守及諸州若行軍所並給傳符諸應給魚符及傳符者皆長官執其長官若被告

謀反大逆其魚符以付次官無次官付受告之司

三曰隨身魚符所以明貴賤

徵召

親王及二品以上散官京官文武職官王公以上都督刺史及大都督長史司馬諸都護並給隨身

魚符 四曰木契所以重鎮守慎出納 車駕巡幸皇太子監國有兵馬受處分者

為木契若王公以下兩京留守及諸州有兵馬受處分

并行軍所及鎮兵五百人以上馬五百足以上征討亦

各給木契其在內在外 五曰旌節 周禮掌節職曰凡邦國之使節小國用虎

節土國用人節澤國用龍節皆金也又云道路用旌節

注云今漢使所擁是也漢書曰庾太子遣巫蠱事懼不

自明取使節發兵與丞相劉屈氂戰初漢節純赤以太

子符亦赤故更為黃旄加以相別蘇武在內奴執漢節

毛落並 所以委良能假賞罰魚符之制王畿之內左三

其事也 右一王畿之外左五右一 左者在內右者在外用之日

從第一為首後事須用以次

發之周 大事兼勅書 晉代留守將軍及軍發後更添兵

而復始 為新授都督御史及改替追喚別

職官分紀 七五

使若禁推請假勅許及別勅解任者皆須得勅書

小事但降符函封遣使合而

符之

應用魚符行下者尚書符錄勅牒門下省奏請仍預遣官典就門下省對封封內連寫勅符與魚左

同函封上用門下省印若追右符函威封印亦若此

傳符之制太子監國曰雙龍

之符左右各十京都留守曰麟符左二十其右一十有

九東方曰青龍之符西方曰騶虞之符南方曰朱雀之

符北方曰玄武之符左四右三

左者進內右者付外應執符文其兩京留守符

並進內若車駕巡幸留守右符付留守

隨身魚符之制左二右一太子以

玉親王以金官庶以銅

皆題云某位姓名其官共有一員者不須著姓名即以官名其



曹司同者雖一員亦著姓名隨身者仍著姓名並以袋盛其袋三品以上飾以金五品以上飾以銀六品以下者飾以銅守五品以上者不佩魚若非時出使別勅召檢校領兵在外不別給符契若須迴改處分者勅符同然後佩以為飾刻姓名者去官而納焉不刻者傳而佩

之用

若傳佩魚皆須遞相付十日之內申報禮部

木契之制太子監國則王畿

之內左右各三王畿之外左右各五庶官鎮守則左右各十旌節之制命大將帥及遣使於四方則請而假之旌以專賞節以專殺

五代後唐同光中製寶一座文曰皇帝受命之寶晉天

福三年製皇帝受命寶以受天明命惟德允昌為文刻  
四年製皇帝神寶周廣順三年內同製國寶二用白玉方  
六寸螭虎紐詔馮道書寶文其一以皇帝承天命為文  
其一以皇帝神寶為文

國朝傳其二寶太宗別製承天永命之寶寶用玉篆文  
廣四寸九分厚二寸三分填以金盤龍紐係以暈錦大  
綬赤小綬連玉環玉檢高七寸廣二寸四分玉斗方二  
寸四分厚一寸二分皆飾以金裏以紅錦加紅羅泥金

夾把納於小盃盃裝以金覆以麻暈褥飾以雜色玻璃  
碧鈿石珊瑚金精石馬腦文盃二重皆裝以金覆以紅  
羅繡帔載以輿及行馬並飾以金又有方匙灰匙大筋  
燭臺燭刀皆以金為之朝會則陳於御坐前大禮則別  
於仗衛中每上尊號有司製金寶以尊號為文雍熙三  
年以天下合同之印為天下合同之寶中書奏覆狀流  
內銓歷任三代狀用之御前之印為御前之寶樞密院  
宣命諸司奏狀用之書詔之寶翰林詔勅引錄勅牒榜

用之至道三年皇帝受命寶以皇帝恭膺天命之寶為  
文符寶郎大朝會則遣官攝事

頭可得璽不可得

前漢昭帝幼冲霍光秉政殿中夜驚  
光召符璽郎不與璽光奪之即按劍

曰臣頭可得璽不可  
得光壯之增秩二等



職官分紀卷六